

Caluinisch Badstübl/
Das ist:

**Ein kurzer doch auß-
fürlicher vnd lustiger warhafftiger Be-
richt/ was massen die Casimirische/Schweizerische/
vnd Nauarrische / Teutsche vnd Frantzösische Caluinisten den
grossen Schandfleck/ welchen sie im Frantzösischen Krieg/ Anno
87. daruon getragen/ gern wolten abwaschen: In dem je einer die
schuld auff den andern wirfft/ vnd sich also selbst vndereinander
dermassen auswaschen/ fegen/ reiben/ krägen/ scheren/ schreyffen/
vnd abzwagen/ das kein wunder wer/ sie trieben einander nit
allein den Badwarmen/ sonder auch gar den
angst vnd Blutschweiß durch Leib
vnd Seel auß.**


Die form oder gestalt vnd gantzen innhalt diß Bad-
stübls hastu in volgender Vorred
zuuernemen.

Durch

**M. Johan Baptista Badwenler zusammen
tragen/ vnd in Truck geben.**

Non est pax impijs, Isaie 57.

Wann die Gottlosen nicht zurauffen haben/ so fallens
einander selbst ins Haar.



12

12

12

12

12

Vorred.



Die Form vnd abtheilung dieses Caluinischen Badstübls belangend/ ist solches nit in die vier Eckh/ sonder wider den gemainen brauch druckert gemacht worden. Im ersten Eckh haben die Caluinische vnd andere Euangelische Predicanten/ eh dann man ins Bad geseßen/ ihr innbrünstig vnd stehend Gebett verricht. Im andern Eckh stehet des Herren Fabians von Dhona Badwanne / in welcher er sich seuberlich wascht/ vnd andere seiner Spieß vnd Glaubsgenossen kraht / es möcht das Blut heraber rinnen. Im dritten Eckh stehet auch ein Badwanne/ in welcher ein Nauarrischer Patron sitzt / der sich gleichwol mit Namen nit nennen wollen/ diser seubert vnd wascht an den Nauarrischen Frankosen/ vnd was er abwascht / das geußt er dem Herren Fabian sampt seinen Schweigern vnd Casimirischen Teutschen ins Angesicht. Waschen vnd krahen / schereren vnd zwagen also die arme Caluinisten ein andern zu beiden theilen so schon vnd sauber das sie glizen vnd gleissen / als wie das edl schweindl wans aus der khotlachen kombt/ also das alle Welt ihrer recenter zulachen hat. Das aber diß Badstüblen nur drey/ vnd das vierde Eckh nit hat/ ist diß die vrsach/ dz die Predicanten im vierdten Eckh hetten sollen das Gracias betten/ oder Te Deum laudimus singen: So haben aber die arme Teutschen so vbel gebadt/ das die Predicanten vermeinen es sey keines dancks nit wert/ vnd wann sie zuuor gewist hetten/ was sie jeso wissen / hetten sie gewißlich ihr Gebett nit drucken lassen/ vnd wann es in öffentlichen Truck nit kommen/ so dörrften sie jeso ihren eignen Truck nit vndertrucken /r.

Stehet derhalb mit ein wort diß Caluinisch Badstübl/ das ist/ ihr selbst eigener Bericht in disen dreyen Hauptpuncten:

Vorred.

Erstlich der Caluinischen vnd anderer Predicanten Ge-
bett.

Fürs ander / Herrn Fabians Bericht wider die Caluini-
sche Franckosen.

Fürs dritt / des vnbenanten Nauarzeischen Patrons Ge-
genbericht vnd Antwort wider Herren Fabian vnd die seinigen.

Alles ganz trewlich von wort zu wort / ohne verenderung
einiger silben / wie es von ihnen selbst in öffentlichen Truck geben/
an jeso nachgedruckt / außgenommen das wir dise drey Haupte-
stück (weil sie Correlatiua vnd einanderen vnabsünderlich ver-
schwägert) zusamen in ein Büchlen zuziehen / mit einem Namen
zutauffen / mit diser kurzen Prefaxen / sampt den Randglossen
vnd Marginalen / vmb besser erleutterung willen / zu zieren / für
nuß / guet / vnd dem günstigen Leser ganz dienstlich geacht haben /
Vale.

Das

Das Gebett

Der Calvinischen vnd

Zwinglischen Predicanten in der Euan-
gelischen Endgnoschafft auff allen Cantzen für das

Gott hört die
sünder nit / vñ
weniger die
Ketzler.

Teutsche Kriegsuoelck / so in Franckreich außgezo-
gen/ gebettet/ Anno 87.



Erz Allmechtiger Gott/
Trewer vnd barmhertziger Va-
ter / der du aller Menschen sinn
vnd gedancken erkennest / vñnd
vor dem nichts verborzen ist / vñ
weist die bösen Rhatschläg / vnd

listige Practicken deiner vnd vnserer Feind / nemblich
des Antichristischen hauffens / was sie nu lange zeit
angeschlagen vnd für genommen vnder deinen heiligen

(Glossa: Gott ist euch allmechtig vnd stark genug worden / den
Papisten aber trew vñnd barmhertzig. Er hat auch ewere böse
Rhatschläg vnd Calvinische Practicken wol erkennt / vñnd euch
einen Knopff darfur gemacht. Das ihr auch die Kirche Gottes
vnd alte Catholische Christenheit / für den Antichristischen hauf-
sen / habe nennen dürffen / das siche keinem Gebet / sonder einer vn-
christlichen Gottslesterung gleich / den lohn vnd ablaß so ihr da-
rumb empfangen / begeren die Papisten mit euch nit zu theilen.
Das ihr aber euch selbst vnd die ewrigen die heiligen nennet / ist
ein anzeigen das sonst niemandts ist der euchs wort thue. Andere
nennen euch sonst wissentliche vñnd von Gott vnd allen Heiligen
abgefallene Zwinglische vnd Calvinische Ketzler.

Wann ihr aber jeso sehet / das Gott denen beygestanden /
welche ihr Antichristen nennet / wolt ihr nit auch gar sagen das
Gott Antichristisch worden sey: Item wann ihr sehet das Gott
euch

euch vnd ewere Heiligen zusehenden gemacht hat / wolt ihr nit
gar sagen Gott halte es nit mit den Heiligen / sonder mit dem
Antichrist: Das laß mir einer ein Bettform sein. Jezo wollen
wir weiter betten.)

Vnd wie sie einen Bund miteinanderen ge-
macht wider deinen Sohn Jesum Christum / sein
heiligs wort vnd Euangelium / sampt allen den jeni-
gen / so in jne allein glauben / vñ anhangen / im grund
aufzureitten / daran sie dann auch bis hieher ihr
ganze macht gewendet / vnd vnzalbarlichs vil Chris-
tenlichs Bluts darumb vergossen haben.

(Glossa: Jesus Christus hat vnserem Bundt den Sieg ver-
gundt / aber ewer Bund ging bald zu grund / die sacht red selbst
vnd gibt vorkundt. Weren die alten Catholischen nit so güetig
gewesen / sonder hetten fürderlicher zur sachen gesehen / so were
ewer Caluinische vnd obertürkische unsinnigkeit / Freuel / Tyran-
ney / Blutuergiessen / Kirchenstürmen / rauben / stelen / zc. nit so
weit kommen. Das ihr euch oberal des Euangeliums vnd
Gottes worts rhümet / ist nit seltsam / Widertauffer / Luderaner /
vnd ander Kezer thun ihm auch also. Was sagt ihr aber von
grosser macht / so die Papisten angewendt haben: So doch gar
wenig teutscher Papisten / respectiue gegen euch / hinein gezogen /
Ihr aber seid vil tausent stark / mit Heers vnd ganker macht in
frembde Land / wider Catholische König / Fürsten vnd Herrn
gezogen / sie bis in grund zuuertilgen vnd aufzureitten / welche
euch nit mit dem wenigsten Härlein beleidiget noch verursacht
haben. Gott hat disen Freuel vnd Muttwillen wol gerochen.
Das groß Blutuergiessen belangend / halt ich / das ihr so stark
nit darumb in Frankreich gezogen / damit ihr allein die Rüche
wolt melcken / vnd lautter Milch vergiessen / dann mann die wol
ohne den Harnisch melcken kan / Vnd wann die Papisten ihre
Händ bey solchen Gästen in Busen schüben / würd mann ihrer
billich lachen. Nun bettet fort.

Vnd

Bund ist bey ihnen noch bis auff den heutigen
 tag kein ablassen nicht / je lenger je grösser würd
 ihr grimmigkeit wider vns von tag zu tag / also
 das wir nothhalber getrungen worden / die Segens
 wehr wider sie zu der Handt zunemen / deinen gez
 trangten Christen in Franckreich Hilff zubeweisen.
 Bund hiemit wer möglich / den Tyrannischen gez
 walt des Antichristischen hauffens / mit nur von
 jnen / sonder auch von vns / vnd vnserem geliebten
 Vatterland abzuweren / vnd deinen lieben Knechten
 zu frid vnd ruhe verhelffen.

(Glossa: Das noch kein ablassen bey den Papisten / ist die ur
 sache / das der Bock noch nit aus dem Garten. Die grosse Grim
 migkeit betreffend / begeren die alten Christen mehr nit / als das
 man ewer Senfftmiltigkeit vnd ihr Grimmigkeit gegen einander
 halte / Sagt liebe senfftmütige Lemlein / kent ihr die Büchlen nit /
 in welchen ewer senfftmiltigkeit auff allerley weis beschrieben / ge
 malet / abgerissen / in Kupffer gestochen / vnd der gansen welt zum
 ewigen Spectacl vor den Augen entworffent ligt? Kent ihr nit Fu
 rores Gallicos? kent jr nit incendiū Calvinisticū? kent jr nit hor
 ribilia Facinora Belgica, Francica, Anglica, vnd des dings vil
 mehr? Ewer Euangelische senfftmütigkeit hat man im Niderland /
 Franckreich vnd Engelland dermassen erfahren / dz man nu mehr
 wol weiß wie vil vnd lang euch zutrauen sey. Weil jr denn verzer
 in ewrem Gebet nit allein senfftmütig / sonder auch heilig vñ aus
 lauter guter meinung den getrangten Christen allein hilff zuthun
 begeret / vnd hierzu nottrungen worden / so volgt das je ewer sach
 just / heilig vnd gerecht / vnd consequenter sich auch gar nicht zu
 uerwundern / das ihr so grosse Ehr eingelegt / ewer hilff so wol er
 sprossen / vnd euch die betrangten Christen so schönen dancksagen
 Gott hat euch so augenscheinlich gestrafft / dz Herz Fabian sagt /
 sie haben ihre eigne Wägen verbrennt / ihre Weehren hinweg ge
 worffen / vñnd ist weder hinten noch vornen / kein Glück / kein
 Heil / vnd kein Stern gewesen / also das euch Gott / wie ihr selber
 bekennet /

Item:

De Iustitia Bri
 tanica.
 Ecclesie Angli
 canæ Trophæa.
 Theatrum Cru
 delitatum Hæ
 reticorum.

bekent / auff ein vnerhörte weiß / also verblendt / das wann ihr gemeint die Feind sein euch im Haar / sein sie weit von euch gewesen / vnd wenn ihr vermeinet sie sein auff's aller weitest von euch / sein sie euch auff dem leder gewesen. Dis solt warlich bey euch ein Nota bene sein / weil euch Gott so augenscheinlich gestrafft hat / Dann wie ihr ewer Meuchkot für Pfeffer / ewer Kezeren vnd Irthymb fürs Euangelium / die Hugonotten für heilige Christen / vnd die heilige alte Catholische Kirche vnd Christen für Antichristen außrüfft / also hat euch Gott in disem mutwillen verblendt / das wann man euch auff dem kopff sieht / so meint jr man sey noch weit von euch. Vnd wann kein Mensch vmb die Weg ist / so meint ihr man blas in allen Gassen lermen. Was ihr verzer den Knechten Gottes für Frid vnd Ruhe gemacht / das sieht man auch wol / könnt ihr doch selbst einander nit ohn geropfft vnd gezopfft lassen / ist dis kiffen / zancken / reissen vnd beissen ewer Frid / wie würds erst zugehn / wenn ihr zuunfriden seid vnd boldert : Das ihr des geliebten Vaterlands meldung thut / könden wir zwar nicht laugnen / das es durch euch vñ etlich tuhet frischer vnd Nagel newer Glauben reicher worden / dann ja noch Leut / vñ nie gar alte Mäner vnd Weiber verhanden sein / welche wissen vñ gedentken / dz in ewerm vnd vnserm geliebten teutschen Vatterland ein solche Zewrung gewesen / das man nit mehr als nur ein eingigen Glauben darinnen gefunden / ist aber ein solcher Glaub gewesen / der die König in Franckreich vnd andere zufriden gelassen / vnd vor ihnen auch wol sicher gewesen / Ja ein solcher Glaub ist's gewesen / welcher souil Segens / Glücks / Heils / Frid / Freud / vnd Frümbeckheit gehabt / Als vil jr jesunder mit ewrem vilfeltigen newen Glauben vnd Fidlwerck / Vnraht / Vnglück / Vnfrid / Maledeyung / Vbels vnd Gottlosigkeit erweckt habt. Ein solcher Glaub (sag ich noch ein mal) ist's gewesen / welcher das ganze Teutschland in Einigkeit erhalten / wie ihrs durch ewer Sectenwerck zerpalten vnd zertrennt habt. Jeho mögt ihr weiter betten.

Caluinische
Prophecey.

Nun wissen wir klar / vnd erkennen wol / getreuer Gott vnd Vatter / das wir die grosse sach zuuolbringen / vnd dem grossen Gewalt vnserer Feinden zuwiderstehn vil zu schwach vnd geringfügig seind / des gleichen

gleichen auch mit vnsern sünden wol verdienet haben / das du dein Hand vnd Hilff wol billich möchtest vō vns abziehen: Darauff wir aber anderst nichts / dann der grossen schand vnnnd schadens zuerwarten hetten / dieweil wir ohne dein grosse vnd starcke Hilff gar nichts vermögen.

(Glossa: Vns zweiffelt nicht / das Herk hab euch heimlich geschlottert ab einer so freuentlichen vnnnd greiflichen vnbillichen sachen. Weil ihr aber so hocherleuchte Propheten seid / vnnnd alle sachen so klar gewist / vnd daneben die arne durch euch verfürte Schweizer also in stich vnd ins bad / das ist / in die grosse schand vnd schaden / die euch albereit vorm liecht vmbgangen / gesetzt / hett ihr wol einen Badpfennig verdienet. Was ihr euch billich besorgt habt / ist euch billich widerfahren / & exauditi estis pro Reuerentia. Last hören wie lauts weitter.)

Darumb so erscheinen wir allergenedigister Gott vnd Vatter / vor deinem heiligen Angesicht / vnd bitten dich von Herzen demütiglich / das du vns aller vnserer begangnen sünd vmb Jesu Christi willen deines lieben Sohns / genediglich verzeigest / vnd derselben vns in diser fürgenommenen Reisz nit entgelten lassest / sonder deinen grimmigen Zorn ober die außschüttest / die dich nit erkennen / vnnnd deinen Namen nit anruffen.

(Glossa: Wann die Kezer vnd abtrinnige von der alten allgemeinen Christenheit vor Gottes Angesicht werden erscheinen müssen / als denn wirds noch anderst mit ihnen zugehen / als in Frankreich. Was ewer Beicht belangt / ist dieselbig vmb sonst / Dann so lang ihr dem Papsst / oder Bábstischen Priestern nicht beicht / könt ihr nit absoluiert werden / da möcht ihr sagen / es wer euch nicht gelegen / das kan auch ein Jud vnnnd Widertauffer sagen / sein aber vnd werden hiemit nit absoluiert / da ihr bittet / Gott solle

solle seinen grimmigen Zorn vber die außschütten/ die ihn nit kennen/ ist alle sach richtig/ ihr seid erhört worden/ Dann Gott sein Zorn vber die außgossen hat/ die ihn nit erkennen/ noch aber wölen sie nit bekennen/ das sie Gott nit erkennen/ welches eine mutwillige verblendung ist. Wann aber euch gedunckt/ vnser Herz Gott hab gejrrt/ vnd die rechten nit getroffen/ so sagt vns/ wer sein die/ welche Gott nit erkennen/vñ seinen Namen nit anruffen. Welche woltē oder soltens sein als die/wider welche jr mit so grosser macht außzogen. Nämlich die Papisten/das ist/die alten Catholische Christen. Könt jr nu ewre leut bereden/das wir alte Catholische Christen/ Gott vnd Christum nit kennen/ den Namen Gottes vnd Christi nit anruffen/ all vnser hoffnung vnd zuflucht in ihme nit haben/ zc. so ist nit wunder das ihr sie in diß Bad gesetzt vnd beredt habt/ vund wer sich so grober vnd reuerenter zu melden greiflicher lügen bereden leß/der mag sich wol auch bereden lassen/ das er kein Mensch / sondern ein Kalb oder Kuh sey. Diß ist das Vrtheil Gottes / das wo man von der Wahrheit abfelt/man die lügen für warheit hören vnd haben muß. Betet fort.

Vns aber wöllest du vmb deines heiligen Namens willen/ dein gnedige hilff beweisen/ durch deinen heiligen Geist regieren / das wir in diser Keß frömblich vnd Christlich vor dir wandlen/vnd vor allem bösen vns verhüten / damit wir deiner hohen Maieestet nirgends innen mißfallen.

(Glossa: So lang einer wissentlich vnd willig in sünden / wil geschweigen in öffentlicher Keßerey stecken bleibt vnd verharret/ den wirdt Gottes Namen/leiden vnd verdienst nicht helffen/ wie jr selber wißt/ vnd vns dessen ein frisch exempel (der vorigen Merz zugeschweigen) mit ewerm grossen spott vnd schaden geben habt. Da heist es Non omnis qui dicit mihi, Domine, Domine, &c. vnd Peccatores Deus non exaudit. vnd Oratio eius fiat in peccatum. Wenn jr euch aber auch den heiligen Geist hett wöllet regieren lassen/ so hett jr euch von der gehorsam der heiligen Catholischen Kirchen/ welche allein durch den heiligen Geist regiert wirdt/nit abgetrent vñ außgezogen. Weildann ewer sach la uer parolæ, vnd ein krafftlos geplender ist/ sol es euch nit frembd nemē/warufft ewer anschlag so vngereimbt/ verwirrt/ vñ gleichsam verzaubert durcheinander gangen/ aus welcher vnordnung
leichtlich

leichtlich abzunemen / was euch für ein Geistregiert hab. Wie
fromblich / Christlich vnnnd Euangelisch ihr euch verhalten habt /
daruon singt man vil Eltsische / Lottringische vnd Fransösische
lieder. Nu volgt weiter in ewrem Gebett.)

Du wöllest auch Herz der Herzscharen / mit
vnserm Heerzeug selber außziehen / vnser Oberster
Hauptman / Schützer vnd Schirmer sein / vnseren
Hauptleuten Fürsichtigkeit vnd Dapfferkeit / vnnnd
allem Volck Stercke vnnnd Krafft / viel Siegs vnnnd
Glücks verleihen.

(Glossa: Es hat ein Euangelischer vom Adel gesagt / wann
das loß hudelmans gesind / so in Franckreich gezogen / dem Euan-
gelio sol vber sich helffen vnd grosse Ehr einlegen / so wöll ers wol
sehen / vnd jr Predicanten handelt so nachtbarlich mit dem Herrn
der Herzscharen / das er mit einem so erbarn gesind von allerley
Secten vnnnd Kezer geschmeiß zusam getriben / selber sol außzie-
hen / ewer obrister Hauptman sein / vnnnd sich mit ein wort nach
ewerem wunsch vnd willen brauchen lassen. Das ihme nur der
Herr der Herzscharen einen bedacht genommen / vnnnd mit erschei-
nen wöllen / ist ime vil weniger für vbel zu haben / als dem Euan-
gelischen Edelman / der sich ewer geschämpt hette mit zuziehen.
Was ewer Hauptleut vnd des ganzen Kriegsvolcks Fürsichtig-
keit / Dapfferkeit / Stercke / Krafft / vil Siegs / vnd Glücks belangt /
habt jr euch in eweren selbst eignen nachuolgende zwo Badwan-
nen zuersehen / vnd seid sicher das euch niemands drum b beneiden
wirde. Nu weiter.

Ja du O Herz wöllest selbst mit deinem starcken
arm / für dein liebe Kirchen streitten / vnsern Feinden ^{Er hats ge-}
aber in ihren Busen sibenfeltig vergelten / vnnnd die lob. ^{thon / ihme sey}
Schmach damit sie dich geschmecht haben / auch die
Rach des Bluts deiner Diener / das sie vergossen
haben / in ihnen offenbar machen.

(Glossa: Was gebt ihr drum / dz es Gott nit vor aller welt so
offenbar gemacht hett. Was: Ewer Euangelium / ewren betrug
an souil edlen vñ teur erkauftē seelē / ewer so lange zeit her sehendē /
schmechen /

schnehen/ Gottes/ aller Heiligen/ vnd seiner Kirchen lesterung/
sowil vnaußgöliches Blutvergiessen in Schweiz/ Nederland/
Frankreich/ vnd Engelland/ diß alles hat Gott mit öffentlicher
Rach an euch so offenbar gemacht / das ihrs so baldt in keinem
Badstübl abwaschen werd. Nu weiter.)

Fecit.

Von den Cal-
uinsten.

Das wöllestu O Herz thun/ nit omb vnserer/
sonder omb der Ehr willen deines heiligen Namens/
darmit der selbig von den Gottlosen nit verlestert/ die
heilige vnd liebe Kirchen/ den hocherwünschten Frie-
den / darumb sie dich so vil vnd vil demütiglich gebe-
ten / doch endlich durch dein Gnad vnd Hilff erlan-
gen / vnd dein heiligs Wort vnd Euangelium in al-
ler Welt zu lob deinem Namen/ vnnnd zum Heil aller
Völcker immerdar außkündiget werde.

(Glossa: Gott hat mit seinem Wort vnd Euangelio nit auff
euch Calvinisten gewartet / dann der Euangelische schall schon
vor lengst in die ganze Welt außkündigt worden. Der Text sagt
nit Exhibit oder Exeat/ Er wird oder solle/ oder müge außkündigt
werden/ sonder Exiuit/ Er ist außgegangen/ er ist schon außkündi-
get worden. Die newe Calvinische/ Zwinglische/ vnnnd Lude-
rische Predigkrüg aber/ die kündigen alles das wider ab/ was die
H. Catholische vnnnd Apostolische Römische Kirch außkündigt
hat. Folget weiter)

Wir verlassen vns O Herz mit steiffem vertrau-
wen allein auff dich/ darumb bitten wir/ laß vns nit
zu schanden werden/ sondern erhöhe deinen Namen/
in der straff der Gottlosen / damit alle Welt erkenne
vnd sehe/ daß du ein gerechter Richter bist/ vnd die nit
verlassest/ so auff dich vertrauen/ vnnnd deinen Na-
men anruffen.

(Glossa: Was der Keger vnd aller abtrinniger schreien/ ruf-
fen/ Gebett / steiffe vertrauen / vnnnd alles ihr Spiegelfechten/
dessen

dessen sie sich zum schein vnd betrug der einfeltigen / gegen Gott
berühmen / jederzeit / vnd an jeso bey euch außgericht / das wißt jr.
Der Text sagt: Quis sperauit in Deo & contusus est: Das ist /
Wer hat in Gott gehoffet / vnd ist darob zuschanden worden: als
wolt er sagen / keiner jemals. Weil jhr aber vor Gott vnd aller
Welt offentlich zuschanden worden / so sagt her obs an ewer hoff-
nung vnd Glauben gemanglet / oder an der zusag Gottes: Weil
dann Gott auff ewer blind Gebett / euch erhört / vnd seinen Na-
men in der straff der Gottlosen Calvinisten vnd Hugonotten er-
höcht / warumb seid jhr so verblind / verstockt vnd hartneckisch /
vnd gebt Gott die Ehr nit / vnd bekent nit das er die rechten getrof-
fen hab: Merckt das jhr liebe Schweizer / vnd merckts wol. Weil
ewere Predicanten Gott so hoch angezeyfft / als bey seinem E-
uangelio, bey seinem Namen / bey seiner heiligen Ehr / bey seiner
Göttlichen Gerechtigkeit / das er auff ditzmal / auff disen Auszug
vnd Krieg erklären sol / daß er ein gerechter Richter sey / so befrage
sie jeso drum / liebe Schweizer / befragt sag ich ewere Predican-
ten / ob Gott jeso gerecht sey oder nit / weil jhr Gebett vnd ewer
falsch eingeschwehte hoffnung samplich ins Bad gessen vnd zu-
schanden worden: Jeso kompt allgemach das Amen.)

So wollen wir dann auch mit grosser Freud dir
auffopfern / die Frucht vnserer Leffzen / vnd deinen
heiligen Namen / mit allen Außervölkten reichlichen
loben vnd preisen / Erhör vns Himmelscher Gott
vnd Vatter / durch vnsern HERRN Jesum Chris-
tum / Amen.

(Glossa: Freylich habt jhr ja grosse Freud angericht / zwo
Genß die haben gesungen / lustig in einem Bach / Ein alte sampt
der jungen / deß ich von herken lach / gar lieblich sie da sangen / wie
d Schweizer auff Stecken brangen / Iuha vvida vva, die mann
vor reiten sach. Ewer Leffzen Opffer haben wier noch nicht ge-
sehen / villsicht rewets euch das jr so lang vnd fleissig gebett habt /
wil geschweigen das jhr erst solt danck sagen darzu. Die von Lü-
bingen sein eines danckbarers gewesen als jhr / Dann ob sie gleich
jhr Gebett / welches sie auch drucken lassen / sein still wider vnder-
druckt vnd vertuschet haben / jedoch haben sie alshald vnserm lieben
Der Predican-
ten Opffer vñ
all jhr thun ist
nichts als lau-
ter Leffzgen-
werck.

Hierem. 6.

Herrn zur Dancksagung ein Fastnachtspill am Aschermittwoch halten lassen/ in dem sie zu spott dem allerheiligsten Sacrament des Altars ein Gottslesterlich Spectael angericht vnd gehalten haben/vnd das heist Korn vmb Salt/ wil Gott nit thun was die Reker wöllen/ so können sie wol auch thun was er nit wil. Kan er sie zuschanden werden lassen/warumb sollen sie in nit herwider schenden. Der barmherzige Gott wölle dem gutherzigen Schweizerischen / vnd vnbillich ding verfürten Volck/ durch so greifliche straff vnd anmanung einst die Augen eröffnen / damit sie an ire löbliche/ dapffere/ Christliche/ Gottselige vnd Catholische Eltern gedencen/ in was vnuergleichem Khum/ Lob/ Ehr/ Glück vnd Heil sie gestanden / da sie noch in eimigkeit des H. alten/allgemeinen Christlichen Glaubens/ als ware Glaubts vnd Eydsognossen vnzertrenlich zusam gehalten/ Item zu was spott/ verkleinerung/ vnruh/vnbestendigkeit vnd zweyffelhaftigkeit ihres Bewissens vnd Seeligkeit/durch die trensichtigen Predicanten/sie gerunnen sein/ Volget/liebe Schweizer/dem Propheten Jeremia/der euch also zuspricht. Das sagt der Herr: Stelle euch auff die strassen/ vnd sehet/ vnd fraget nach den alten vorigen wegen/welches der gut weg sey/darauff solt ihr wandlen/sowerdet ihr ewren Seelen ruh finden. **Diß**
geb euch Gott vnd allen armseligen
verfürten Schäßlen/ **A-**
men/ Amen.

Kurze

Kurzer

Und Warhafftiger Be-
richt / von dem nächsten Nauarischen
Zuge in Franckreich.

Der Calvinisch
gegenberichte
sagt/dz diser be
richt mit reues
renz erlogē seye
wann nun ein
Teuffel den an
dern verirt /
wie wil jr sach
bestehn

Daraus ein jeder Verstendiger vnnnd Vnparthey-
ischer/hohes vnnnd Nidern Stands sehen vnnnd
gründlich mercken wirdt/wie es in
allen Sachen zugegangen.

Wider alle biß anhero von gemeltem

Zuge/ertliche vnd vnagrünte außgangene Schriff-
ten/ Discours vnd Zeitungen: vnd zu warhaffti-
ger entschuldigung deren/die in solchem getruck-
ten oder vngetruckten Zeitungen/fälsch-
lich taxirt vnd beschuldiget
werden.

Wie weit dise
Discurs gefelt
haben/hat mā
im gegēberichte
vnd Antwort
auff diß schrei-
ben zufinden.

Es

Es ist ein gemeiner Gebrauch in der Welt/ das je einer des andern vornemen / thun vnd lassen/ erst am aufgang/ vnd demnach die Sachen wol oder vbel abgangen/ pflegt zurichten vnd zu vrtheilen/ zu loben oder zu schelten/ vnnnd denckt mann nicht / wann manschon ein Sach auffss beste angreiffst / vnnnd dieselbige sich mit höchstem Eiffer lest angelegen sein/ das gleichwol der aufgang allein in Gottes Willen vnd Macht stehet: Vnnnd wann durch dise Regel alle Handlung examinirt/ vnd gut oder böß geheissen müssen werden: So volgt das auch die grösten Keyser vnd Kriegs Fürsten/ vnnnd vornembste Capitan/ die jemals gewesen müssen angegriffen vnd taxirt werden.

Darumb sol man Gott die Ehr geben/ dz er der Caluinsten vorhaben zu nicht gemacht. Man schenckt es keinem.

Vnd kompt solches daher/ das etliche die einer Sachen beywohnen / vnnnd auch nutz oder schaden darbey zugewarten haben/ vnnnd gern sehen/ das sie einen glückseligen aufgang gewinnen möcht / vnnnd gleichwol der aufgäg sich anderst zutregt/ die schuld jetz dem/ jetz einem andern/ nach dem es ihnen in Kopff kompt / vnd nach dem sie einem oder dem andern zugethan / zuschreiben. Wie auch die jenigen thun/ die nicht bey den Händeln sein/ vnd derowegen nicht wissen können/ wie sie im grund beschaffen. Vnd ist das das aller beschwerlichste/ das solche vnzeitliche Vrtheil/ welche gemeiniglich aus Partheyischer Leuth vnderschiedlichen Bericht herfließen / vber das general Haupt/ welches das Regiment in Händen hat/ alle sachen mit Raht handlet/ vnd mit Fürsicht

Nach Caluinstischer / aber mit nach Christlicher art.

Frage deine Glaubßgnos

Fürsichtigkeit Dapfferkeit vnd guter Ordnung er-
quiren vnd verrichten soll / gemeiniglich gefellet
werden. sen / wie groß
deine Tugend
sein.

Vnd dencken solche Leuthe nicht / was bis wei-
len für beschwerungen / ver hinderungen / vngele-
genheiten / vnd vnmöglichkeiten / in solchen vnd der-
gleichen Fällen / den Hauptern zustehn.

Wie dann auch in diesem letzten Französischen
Nauarrischen Zug beschehen / das menniglich seines
gefallens dauon redt / schreibt vnd judicirt / vnd die-
weil derselbe nit zum besten gerathen / alle schuld
auff das Obrist Haupt legt. Die Predican-
ten werden nit
fleissig gebett
haben.

Nun ist aber der Hertzog von Bullion / löbli-
cher gedächtnus / mit seinen deputierten Französi-
schen Rätthen / von König von Navarra / zu ihrer
Kön. Würden General Obristen Leutenant / vnd
also zu einem Haupt des ganzen Kriegsvolcks von
allen Nationen bestellt vnd verordnet gewesen.

Damit aber die Teutschen zu Kopf vnd Fuß /
auch ein Haupt hetten / mit dem sie reden / vnd zu
welchem sie sich / in allen ihren Obligen könten ad-
dressiren / haben sie Herrn Fabian / Burggraffen
vnd Herrn zu Dhona / so zuuor vom König zu Na-
uarra zu einem Feldmarschalck bestellet war / zu
ihrem General Obristen erwehlet / welcher nach-
mals von den Beuelchhabern vnd Teutschen Krie-
gsleuten ins gemein / dafür erkant vnd angenom-
men vnd an seine stat Ludwig Kumpffseliger / ein
fürnehmer erfahrner Kriegsmann / zu einem Feld-
marschalck verordnet worden. Damit so wol im

C

Racht

Kaht als auch im Feld gemeltes teutschen Kriegs-
Hertz Sabelhā volcks / Ehre / Nutz / vnd Frommen allzeit befördert
ist ein Ehr- / würde / vnd sie die teutschen ein gewisse Person het-
Nutz / Zue- ten / zu dero sie in allen ihren nöthen vnd beschwer-
flucht / Tott- müssen / ihre Zuflucht haben möchten. In welchem
helffer / vnd Heiland der Beuelch dann ihme wider seinen willen (wie dann
Caluinsten. solches denen Obristen vnd Beuelchhabern / so noch
Gegenbericht im leben sein / vnd def wegen drey ganzer tage mit
laut anderst. ime auff dem Musterplatz / tractiert haben wol be-
wust) zwo grosse Bürden auff den Hals geladen
worden.

Erstlichen Das alle Puncten / welche von bey-
den Nationen / Teutschen vnd Franzosen / vor dem
Zug abgeredt vnd beschlossen / gehandthabt wür-
den: Vnd da im Kaht / oder sonsten / dawider gede-
liberiret vnd gehandelt / er solches verhindert / ab-
leinete / vnd abschaffte.

Fürs ander / Das er sich auch des Kriegsvolcks
anneme / vnd also ins gemein dahin sehe / das so wol
die gemeine sach keinen schaden leiden / als auch das
Kriegsvolck wol geführet / quartiret / vnd mit aller
notturfft versorgt werden möchte. Dis ist nur sein
Ambt vnd Beruff gewesen : Doch hat er / in allen
hohen vnd wichtigen Sachen / mit vorwissen des
Hertzogen von Bullion / als des Obristen Haupts /
vnd der verordneten Nauarrischen Kriegsräthen
vorwissen / vnd dann auch mit Kaht der andern
Obristen / handeln müssen.

Gleich

Gleich wie ihm nun gebüret seinem Beuelch mit allen trewen vnd souil ihm immer möglich/nachzusetzen (wie er dann gethan / vnd ihm kein Ehrliebender Biderman anderst mit grunde der warheit vnd in seinem beysein wirdt nachsagen können oder dörfen : Also hat auch hergegen dem Kriegsvolck gebüret / ihm allen gebürlichen Gehorsamzuleisten / seinem / vñ der andern vornehmen Beuelchhabern / guten Rath zu folgen / was ein mal beschlossen / darbey zuuerharren / vnd von solchem in keinerley weg sich abführen zulassen. Ob nun solches geschehen / vnd ob die Franzosen ihme gebürlicher weiß vnder Augen gangen / er auch neben andern das gehöret / wie es billich hette sein sollen / bey dem Kriegsvolck / so sich einmal vnter seinen Gehorsam begeben / allzeit gehabt / oder nicht / das kan man aus dem Haupt vnd wichtigsten nachfolgenden Punkten genugsam verstehen vnd abmercken. Darüber man dann alle Kriegs vnd andere verstendige / vnpartheyische Lenth / vrtheilen vnd judiciren / vnd allen andern Calumnien / so hin vnd wider gespargirt vnd ausgesprengt werden / dasselbe entgegen halten lest.

Frag deine
Spieß gesellen
vnd Glaubß
genossen im ge
genbericht.

Dann erstlich hat er mit allem ernst dahin getrachtet / wie der Zug dermassen vnd in solcher anzahl möcht fürgenomen werden / das man sich gegen des Feindes gewalt genugsam könt setzen vnd auffhalten. Man ist aber bey weitem in der anzahl / wie

Was an stercke vñ anzahl Personen gemanglet / das hette die krafft des Euangeli uns erstatten sollen.

abgeredt worden/nicht erschienen/welches gleichwol durch sehr strenge / vnd ernstliche Mandaten vnnnd Verbott/im Reich verhindert worden.

Wie man im Elfaß die armen hat reich gemacht.

So ist man auch nicht auff den in der Bestalt lung angesetzten Termin / sondern wol vier ganze Wochen hernach erschienen / vnd dardurch / dieweil man sich im Elfaß so lang auffhalten müssen / dem Feinde nur zum raum vnnnd platz geben / wie alle Kriegs / vnnnd andere verstendige können erachten. Auch viel vngelegenheiten / die man darnach / mit grossen schaden in Lottringen befunden verursacht.

Was mögen die Hugenotte für Thier sein: im gegēbericht schemē sie sich diß Namens.

Solches alles vnangesehen haben die Nauarischen Muster Commissarij, die Musterung / wie allen denē so derselben beygewohnet / bewust / ganz mit lassen fortgehn / vnd vil dings / so sie wol dazumal anden hetten können mit hoch disputiert in hoffnung / das es künfftig auch vmb souil weniger Widerwillens / geben würde. Wie dann der Teutsch General Obrister allen Druwillen vmb so viel mehr zuuerhüten / sich dahin mit allem ernst bemühet / das nicht allein den gemeinen Reuttern / ein ganzer Monat Soldt / für soll / sondern auch den Beuelchs / habern ein ansehenliches erlegt worden : Welches zuvor / wie meniglich bewust / auff der Nauarischen seitten / seid der zeit / das der Obriste Koltzhansen seliger / etliche Fahnen Reutter / vnnnd ein Regiment Knecht in Francreich / den Hugenotten zu gutem geführet / nicht vil geschehen : Vnnnd hat man dannocht mehr gehorsams bey dem Kriegsvoldē gehabt / vnnnd besser Disciplin vnd Regiment als jezo / halten können.

Als

Als nun die Musterung geschehen ist ime dem teutschen General Obristen zum höchsten angelegen gewesen/wie er das Kriegsvold zum sichersten vnd bequemsten fortführet: Vnd weiß menniglich/wie hefftig er den Franzosen vmb die versprochne vier/ tausendt Französische Schützen (die dazumal vermöge ihrer versprechung/allbereit in Lottringen haben sein sollen/ vnd der von Castillion auch daselbst mit ankommen) angelegen.

Es hat aber bey ihnen nichts können erhalten werden: Welche allezeit vn̄ zum höchsten betewret/ so bald man ins Land würde kommen/ würde es lautter Hugenotten zuschneyen/ Dann viel tausent vom Adel/ vnd andere so wol Hugenotten als Papisten/ die der Liga vnd dem Herzogen von Guisa nicht zugethan/ mit höchster begier vnd verlangen/ auff das teutsche Kriegsvold warteten vnd so bald man vber die Taberer Steg keme/ zum hauffen stossen würden Welches doch gar nicht eruolgt wie in gleichem sich irem angeben nach keine Statt oder Festung an sie ergeben/ vil weniger/ daß sie ein einzigen durch Intelligenz oder sonst einbekommen hetten.

Demnach auch der Teutsch General Obrister die thewre zeit vnd Jar/ auch vielerley Kranckheiten/ die aus dem Hunger herkommen/ vnd andere ver hinderungen/ so sich in Lottringen zutragen möchten/ vor Augen gesehen/ hat er mit fleiß dahin getrachtet/ wie er fridlich durch des Herzogen zu Lottringen Land/ das Kriegsvold führen möcht/

Unter den Calvinisten schneietes Hugenotten.

Werden Calvinisierte Papiste gewesen sein.

scilicet: Thut ihz so schon/ wann ihz fridlich seidt/ wie

schon mag
gehn wann ir
zürnt :

vnd den Franzosen/welche allein Lottringen feind/
lich angreifen wollen / vnd derowegen sich auff
austrücklichen Beuelch beruffen / viel vnd dick die
ursachen / warumben solches nicht geschehen solte/
vnd das alle sachen / auff einen guten vertrag vnd
mittel stünde/zu gemüt geführet. Vnd damit solches
bey den Franzosen zuerhalten / vnd der Herzog in
Lottringen / zu der Neutralitet / wie vor der zeit je
vnd allweg geschehen zubewegen/hat er den Obri/
sten/den grossen vnraht/ gefahr vnd verlust/ so hie/
raus entspringen möcht / vnd darneben angezeigt/
wie sie sich des wegen seinem gut düncken nach / vnd
auff ihre verbesserung sollen verhalten. Vnd das sie
bestendig darauff beharren solten / damit wider ges/
melte Tractation nichts fürgenommen würde/ wie
auch von den Obristen vnter den Reuttern ins ge/
mein beschehen: Mit solchem außführlichen Pro/
testiren/ das billich die Franzosen/ von ihrem pro/
posito solten sein abgehalten worden. Dieweil aber
nichts helfen wollen/hat man es müssen darbey las/
sen wenden.

Ists Ernst:

Es haben sich aber ein weg wie den andern die
Teutschen in Lottringen / alles brennens vnd Ty/
ranney enthalten/ auch also/ das sie sich außtrückli/
chen etlich mal erkläret/ wo die Franzosen mit dem
brennen nicht würden auffhören / so wolten sie sich
darwider setzen.

Wie man in Lottringen kommen / hat man bes/
funden/ das was man auff dem Musterplatz des
langen verzugs vnd stilligens haben geweissaget/
alles erfüllet worden. Dann

Dann demnach der Hertzog in Lottringen die
rechnung leichtlich bey sich machen können / das man
den Paß vber gemelte Zaberer Steg nemen / vnd
also in sein Land kommen würde / hat man den Vn-
derthanen aufferlegt vnd beuohlen / Alles was dem
Kriegsvolck immer zu gutem kommen möcht / hin-
weg zuraumen / in sonderheit die Mühlen gar zuuer-
derben / oder doch die Eysen hinweg zunemen / die
Backöfen einzuschlagen / die Schmitten zuzerstören /
ja auch die Bronnen vnd Wasser mit Kalch vnd
andern Vnraht zuuerderben.

Der Teuffel
traw solchen
gesellen.

Ist ein anzeig
daß er sich al-
les guts zu de
Caluinistē vers
sehen hat.

Daher dann / wie solches in specie aufzuführen
vnnötig vnd ein jeder bey sich selbst leichtlich ermef-
sen kan / grosse noth vnd mangel entstanden / Doch
hat man sich solchem mangel zuuerkommen / vnd an
ort vnd enden da man die gelegenheit darzu gehabt
vnd bißweilen noch ein Wasser oder Windmühlen
(die doch den Schweizern mehrertheils seind ein-
geben worden) gantz gefunden / zu miltern höchstes
fleiß vnd vermögens vnderstanden: Auch da man
eine solche gelegenheit erreicht / hat man daselbsten
desto lenger still gelegen / vnd sich vmb so viel mehr
proviantiert.

Die Navari-
schen sind fro/
das Herz Sa-
bian mit hun-
gers gestorben
ist.

Man ist aber nicht lang in Lottringen gewe-
sen / da sich ein gutes Mittel solchen beschwernissen
vnd mangel / durch ein Feldschlacht abzuhelffen / zu-
getragen / da sich der Feind an dem Berg zu Sainct
Vincent an dem Wasser Modon mit seinem gan-
gen Kriegsvolck sehen lassen.

Als

Als man nun denselben (wie man ihm den tag
zu vor ein heftlichen Treiber geben) anzugreifen in
willens gewesen/ vnd der Herzog von Bullion sol-
ches dem teutschen General Obristen/ welcher vnge-
sehrlich ein halbe Lottringische Meil von gemeltem
Herzogen gelegen/ vnd gleich auff dem weg gewe-
sen/ vnd zu ihme reitten wollen/ durch einen jungen
vom Adel/ doch ohn einzig vmbstand anzeigen las-
sen/ hat er einen zu dem Herzogen geschickt/ vnd im
vermelden lassen/ das er als bald/ mit den Reuttern
(dann die Landsknecht dieselbige Nacht/ bey ge-
meltem Herzog in sein Quartier/ Craignan genant/
gelegen/ vnd allbereit in voller Schlachordnung/
doch disseit gemeltes Wassers gehalten) erscheinen
wolte.

Darauff er auch nach dem Quartier gerant/
vnd dem Feldmarschalck Ludwig Rumpffen/ vnd
dem Obristen Johan Clott seligen. Wie auch in glei-
chem Johann Buchen/ vnd Jörg Wilhelm vom
Berbisdorff Obristen/ welche alle dazumal bey ihm
in einem Quartier gelegen/ angezeigt/ blasen lassen/
vnd aus dem Quartier geruckt/ auch als bald einen
vom Adel zu dem Herren Domp martin/ vnd Frid-
rich von Wehren seligen/ welche etwan ein viertel
meil von ihm gelegen/ geschickt/ vnd ihnen anzeigen
vnd befehlen lassen/ das sie ihm vngesaumbt wol-
ten nachfolgen/ welches sie auch gethan. Als man
nun aus den Quartieren geruckt/ hat man den Wa-
genmeistern befohlen/ alle Wagen an einen Ort zu-
sammen ins Feld zuführen: Nachmals die Zuge ges-
ordnet/

ben Ort lagen/wie sich dann jr der Schweitzer General Obrister der Herz von Clerouant seliger / zum hefftigsten beklagt vnd beschweret.

Demnach man nun vber vnd durch das Wasser kommen / hat man auff einer grossen hüpschen Wiesen in voller Schlachtordnung gehalten / vnd als die im Vorzug gewesen / mit dem Feindt sich in ein Scharmützel begeben / aber denselben keines wegs bewegen können / Daß er sich auß seinem vorthail / vnd vom hohen Berg herab / begeben hette / vnd ist nur ein fürnemmer Guisianer Salerne genannt / den Berg herunder können / welcher sehr hart verwundet worden / aber doch noch mit dem Leben darvon kommen / vnd auß Befelch des Quytij außgehoben / vnd wider dem Feindt ist geliefert worden / hat man allerley deliberiert / wie man die Sachen soll angreifen. Vnd ob wol der Feindt / ein mechtigen grossen vorthail / vñ ein sehr hohen Berg eingenommen / auch sein Fußuoldt in lautter Weinbergen gesteckt : So seind doch etliche der meinung gewesen / Daß man den Feindt im Namen Gottes angreifen vnd zu ihm den Berg hinauff zusteiigen sich vnderstehn soll. In sonderheit hat der Herz Vesines, welcher auch der Best vnd erfahnest Kriegsmann vnder den Nauarischen Kriegs Râthen / ist erachtet worden / hefftig darzu gerathen.

Das gang
Teutsch Regi-
ment / hat einẽ
ganzen Mann
erlegt / vñ vber
wunden / ist a-
ber noch dar-
von kommen.

Darauff auch dem Monsieur de Villeneuve
Befolhen

Befolhen würdt / mit seinem Regiment Schützen /
ein angriff zuuersuchen / vñnd zu sehen / wie sich der
Feindt / welcher durch das klein Feldtgeschütz je
lenger je mehr zu ruck vñnd den Berg hinauff zuwei-
chen getrieben wardt / vñnd vielleicht niemals mag
im willen gehabt haben die Schlacht zuhalten (sich
auch derowegen inn ein solchen vortheil gesteckt)
stellen vñnd anlassen würde. Wie nun der Mon-
sieur de Villeneuve solchem nachzusetzen bewilliget /
vñnd sein / wie auch des Monsieur de Mouy Regi-
ment fast schwach war / liessen sie den Teutschen Ge-
neral Obristen ansprechen vñnd bitten / daß er ihnen
vierhundert Schützen / von den Landsknechten
wolte zugeben. Welches alsbald / damit an den
Teutschen vñnd so viel weniger mangels möchte ge-
spüret werden / bewilliget wurde / vñnd Ritt der Ge-
neral Obrist des Teutschen Kriegsvolcks selbst zum
Regiment / solche vierhundert Schützen abzuho-
len / in dem er aber die vierhundert Schützen zu den
beyden Obristen Mouy vñnd Villeneuve führet /
vñnd ihnen zuspricht / daß sie sich ehrlich vñnd wol-
soltten halten / darzu sie dann in warheit / wie man
zusagen pflegt / williger dann willig waren.

So kombt vom Herzogen von Bullion / als
dem General Haupt des ganzen Kriegsvolcks von
allen Nationen / durch der Kriegsraht einen / ein
bemelch des inhalts / Das man inhalten vñnd den
Feind nit angreifen / sondern die sach von wegē des
Feinds vortheil / vñnd andere vñngelegenheiten / reiffen

Zum kaufen vnd einzustecken seit jr gantz gehorsam gewesen / sonst habt ihr euch wol spreutzen dörfen.

Herr Fabian ist auch mit erfroren.

erwegen solt. Darbey es dann die andern so zum angriff resoluirt vnd willig waren / wie schwer auch derselb gefallen vnd ablauffen hetten mögen / biß auff ferneren Beuelch des General Haupts haben müssen bleiben lassen.

Inzwischen aber vnd dieweil man deliberirt verluss die zeit vnd gelegenheit / vnd must man endtlich an stat einer Schlacht die quartier schlagen. Welches so Notou vnd offenbar / das kein Mensch anderst dauon würdt sagen können. Demselben solte man auch billicher glauben zu stellen / als etlichen andern Franzosen / die in werendē Zug in Teutschlandt geblieben vnd hinder dem offen gefessen: Izo aber viel darvon Schreiben vnd iudiciren wollen. Vnd ist fast kein Potentat in Teutschlandt / der nit angehörige Lehn Leuthe oder Vnderthanen bey diesem Zuge gehabt welche man darunder zu rede stellen vnd befragen kan / Ob nicht alle Teutsche / vom Haupt biß zum geringsten / Lust vnd Liebe zuschlagen gehabt. Vnd auch in dem Namen vortgerucket / biß vom Herzogen von Bullion sampt seinen Französischen Rätchen / wie gemelt / solches einzustellen / befohlen worden.

Als der Abendt herbey kommen / hat man ein Quartier an bemeltem Wasser Modon gehn Cintroy vnd daselbst herumb geschlagen: Von dannen ist man nach Pagny sur Meuse gezogen / do man ein andern weg / als darauff anfänglich geschlossen worden / nemen müssen / auff welchem wege man den Krieg mit besserer gelegenheit / vnd allerhandt nottursst

turfft führen vñnd des Königs von Navarra seiner vielfaltigen zusag nach / besser vñnd mit geringerm hunger / vñnd anderer Not hette erwarten können.

Wie man dann darüber zu Rath gängen da der Teutsch General Obrist hefftig mit dem Französischen Kriegs Rath dahin gehandelt / Daß man auff die andere seitten so von den Franzosen vorgenommen nicht fortziehe. Sondern auff dem einmal beschlossenen Wege naher Sedan verbleiben solte. In welcher Berathschlagung ihm auch der Hertzog von Bullion vmb grosser Ursachen willen / die ihn darzu bewegt / wol beygestanden / vñnd daher gehofft / daß es diesen weg erreichen würde. Es hat aber der Französisch Rath / der weit ein anders im Sinn gehabt / sich widersetzt vñnd fürgeben. Daß sie vom König von Navarra andern Befelch hetten / wie sie dann zugefahren / vñnd die Quartier stracks an die Maß nach Vaucoleur genommen / vñnd angezeigt / daß man nicht weit auß dem Wege zuge. Es hat aber allzeit ein nist vñnd den Krebsgang haben müssen.

Als nun der Teutsch General Obrist gemerckt / warmit sie vmbgehen vñnd mit was listen sie zu irem vorhabenden Zug / inen bringen wolten / hat er solches den Obristen vñnd Feldtmarschalck / sampt dem Rrath / so daher zubeforgen / vñnd den Vortheil so von der andern Reiß zugewarten angezaigt / vñnd dem Hertzogen von Bullion geführet / in meinung / das die Franzosen auff verheissenem vñnd einmahl entschlossenem Weg wurden verharren.

Caluinisch
Glück vber
Glück.

Dem aber zuentgegen / hat man geschlossen.
Demnach der General Obriste Leutenant des Königs zu Navarra / vnd die Kriegs Rāth in gemein außserhalb etlicher wenig dahin schliessen / das man ein andern weg an die Hand sol nemen / vnd das sie dessen vom Könige von Navarra ein austrücklichen Beuelch hetten / so solt man demselbigen wege folgen. Daher sich vil vnrath vnd gefahr darnach erhaben / vnd weder Rāth noch Trost gefunden worden / zum Könige zur Navarra zukommen. Wie man dann auch keine Zeitunge weiters vernomen / wie sie die Französische Rāth vertröstet / das sie den König an der Loire bey Syen oder Besser abwert finden würden / vnd den Keuttern verheissen / sie nicht weiters vber die Loire zuführen.

Wer eh kōmbt
der milt eh.

Es ist auch menniglich bewußt / mit was sorgfältigkeit man dz Kriegsvold an die Loire gebracht / vnd sie des ganzen wegs / so viel möglich in guter Sicherheit vnd bequemeit / allzeit Quatieren vnd Losieren lassen: Dieweil die Franzosen ihres Vortheils halben viel Edelmans Heusser vnd Dörffer gefreyet / die besten Losamenten vor sich eingenommen. Die Teutschen aber an die Spizen vnd für den Feind vnd zu ihrem Deckel / wie der Alten Gebrauch in vergangnen Kriegen Quartiert / darüber der General Obriste / Feldmarschalck / andere Obristen / vñ Obrist Quartiermeister / mit dem Welschen Feldmarschalck Quyrin / in vielfeltigen zanken / vnd
offtmals

offtmals bis auff's rauffen geraten: Aber die Fran-
zosen haben ihre Tücken nicht lassen können / denn
wie man an die Loire zu Neuf, boni, vñnd daselbst
herumb gelegen / vñ allda vberzukommen zwischen
zwen Feinden vnmüglich gewesen / nemblich dem
König aus Frankreich / vñnd dem von Guise / da der
König / den kleinen Furt jenseit des Wassers starck
verschanzten mit Schiffen versehen vñnd mit seinem
ganzen Kriegsvolk / Franzosen vñ Schweizeren
verwaren ließ / ist man allzeit an den gefehrlichsten
orth Losirt worden / dessen sich denn bemelter Gene-
ral Obrist / vom zweiten Quartier in Lottringen / da
der Obriste Buch vberfallen / aber doch keinen schas-
den gelitten / auch nicht vber neun Personen verlor-
ren / dargegen in die hundert vom Feinde erlegt /
zum hefftigsten beklagt hat.

Wer kein wirt
der Herz Jac-
bian hett inen
die Franzosen
gewünscht.

Dieweil auch die Französischen Quartier-
meister wenig darnach gefragt / hat er der teutsch
General Obrist / bisweilen mit den Feldmarschal-
cken / vñnd Obristen Quartiermeister selbst darzu ge-
than / vñnd verursacht worden seine Salua gardien
abzuschneiden vñnd selbst Commissarios in die Stät
vñnd Schlöffer / welche die Franzosen vñnder dem
Schein / als ob sie den Schweizern daraus Hand-
reichung theten / innen gehabt / zuverordnen / vñnd
daselbst Prouiant / souil man dessen bisweilen beko-
men kundt / zuholen / Dann es für vnbillich geacht
das die Franzosen allezeit lebten / wie zu Paris /
vñnd

vnd die Teutschen Hunger / vnd Kummer leiden
müsten. Welche Teutschen doch nit vil auff die Füt-
terung gezogen / auch fast kein / oder sehr wenig Dör-
ffer / oder Edelmans Heuser geplündert / vnd sich in
dem fall / bescheidenlicher verhalten / als in langer
zeit kein teutsch Kriegsuoelck / in Franckreich gethan.

Wann ich an
erw statt wer/
so wollt ichs
alles auff die
zeit legen / dan
sie kans besser
tragen als jr.

Nichts desto weniger / vnd vber allen ange-
wanten fleiß ist an vilen orten mangel fürgefallen /
von wegen des vnfruchtbaren Jarß / welcher man-
gel so groß vnd vbermässig gewesen / das auch in des
Königs von Franckreich Lager / der vberal zuge-
bieten gehabt / die Hungers not vnter dem Kriegs-
uoelck nicht gering gewesen / Darumb dann solches
zum theil der zeit zuzuschreiben. Dann menniglich
bekennen muß / daß so vil die Prouiant vnd Füttes-
rung anlangen thut / Franckreich jezso fast nit mehr
Franckreich ist. Vnd da auch die Reutter bißwei-
len gar vn sicher gelegen / vnd von den Franzosen /
so die Spitzen solten halten / nicht gedeckt worden /
hat es an seinem / des general Obristen sollicitirn vnd
klagen nicht gemanglet / do er bißweilen etwan mehr
dann zuvil gethan / vnd sich mit seinem billichen Ei-
uen vnd zanken / grosse vngunst bey den Welschen /
auch lezlich grosse gefahr auffgeladen: Sondern es
hat gemanglet an den Französischen Quartir-
stern / die gemeiniglich auff angeben des Landts-
uoelcks / vnd der vom Adel so im Land gessen / die
Quartier aufgetheilet / vnd in der austheilung / hie
eines Vettern da eines Schwagers verschonet / mit
vorgeben (das er entweder der Religion zugethan /
oder

oder des Königs von Navarra Diener / oder der Liga nicht beypflichtig / vnd ein friedliebender Papist / wie sie es genennet / were: Anderer Schatzungen / vnd corruptionen so bey ihnen mit vndergelauften / ist zugeschweigen.

Es haben auch die Franzosen niemals den teutschen Obristen / vnd einem jeden Regiment Commissarien zugeben wollen / die sie geführet hetten / vnd stets bey ihnen geblieben weren / wiewol vielmal darumb angehalten / vnd von ihnen zugesagt worden.

Das man nun sagen wolt / man sol die Franzosen haben ziehen lassen / vnd die Teutschen ein besondert Quartier geschlagē haben. Das wer eins theils von jederman nicht gebillich worden / anders theils / auch hett es dem Kriegsvolk wenig Nutz gebracht / daraus auch allerhand Unrath were entstanden / wann man sich also getrennet.

Man hat auch gute Wacht zuhalten mit fleiß / oft vnd vielmal beuohlen / vnd gegen dem Feind dieselbe mehr zu doppeln / dann zuringern auffgelegt. Vnd hat der teutsch General Obrist / offtmals / die Wacht in seinem Quartir / durch die hohe Benelch / vnd die Fürnembssten von der Kenschahnen / welche gleichwol der Wacht gefreyet / ja auch seine auffwarter / vnd seine eigene Pferde bißweilen müssen vorsehen lassen / wann schon mehr Fahnen in seinem Quartir gelegen. Den andern Obristen / wann sie nicht gar sicher gelegen / hat er / so oft sie es begeret / Schützen von dem Regiment zugeordnet / welches

Recht vñ billich / von wegen der Freundschaft / denn ewere Eltern alle Frdliebende Papisten gewesen sein.

Zur Corruption des Glaubens vnd aller warheit seid ir geboren.

Wann die Calvinisten etwaz zusagen vnd haltens / so ist war.

In summa summarum Herz Fabian ist vleissig gewesen / darumb hat er so grosse Ehr einglegt.

E

auch

auch so viel geschehen / daß die Landtsknecht dies
weil man ein gerechtigkeit darauß machen / vnd
vmo so viel weniger wachen wollen / sich lezlich
darüber beschwert / vnd sich gänzlich darwider ge-
setzt haben. Es hat aber an den Obristen vnd
Beuelchhabern auch nicht gemangelt / Sonder
wann man etwan spat ins Quartier kommen / oder
sich sonst ein andere Kriegsungelegenheit zuge-
tragen / so hat man nicht ein jeden zur Wacht kö-
nen bringen. Ist schon einer willig gewesen / so hat
sich der ander darwider gesetzt : Darüber ist es et-
wan gar verblieben / oder zu langsam geschehen.

Euangelische
gehorsam inn
der noth.

Oben ist meldung geschehen / von dem Herrn
von Castillion. Als nun er in Burgundt ankam-
men / vnd an den Herrn von Clerouant geschrieben
daß er inn gefahr stunde / wann man ihme nicht zu
hülff keme / vnd entgegen schickte / ist alsbald durch
den Herzogen von Bullion seinem Brudern dem
Grauen von der Margh seligen / Beuohlen worden/
daß er gemeltem Herrn von Castillion entgegen zie-
hen sollte / wie im dann zu dem ende etliche Fahnen
Reutter / nemblich der Herr von Domp martin vnd
Friderich von Wehren seliger zugeben worden.

Behüt vns
Gott vor sol-
cher seligkeit.

Man hat aber offentlich gemerckt / das vil vn-
der den Franzosen nicht gern gesehen / daß der von
Castillion ankommen / dieweil sie besorgt / er würde
ihre Bossen mercken / vnd ihnen dieselbe nicht allzeit
gut heissen. Derwegen der Franzosen etliche / die
ihm entgegen zu ziehen verordnet waren / Bey der
Nacht / wider in jr Losament kommen / vnd vorge-
ben / daß sie in der Nacht vom Hauffen wegkamen

Caluinische
Bossen.

vnd den weg nicht wider hetten finden können: Etliche aber führten sonsten allerley reden / darauf man leichtlich abnehmen kundte / das gemeltes Herz ankunft / die er doch mit höchster beschweruß zu wegen gebracht / inen nicht allen lieb vñ angenē war.

Calvinische
lieb vnd einige
Zeit in der not.

Aber die Teutschen / theten sich ob solcher ankunft höchlich erfreuen. Es zogen im auch alle die Reutter entgegen / vñ empfangen ihn statlich / vñ mit grossen frolocken. Mit welche auch alsbald denach seiner ankunft / der Teutsch General Obrist handelt / daß er allezeit bey dem Teutschen Kriegsuoelck bleiben / vñ sich nahe bey dasselbe Quartieren wolt lassen / damit einer dem andern vmb so viel besser / auff alle zutragende fälle köndte die handt biete.

Ob nun wol der Her / von Castillion darzu ganz willig. So haben es doch die Französischen Veldmarschalck vñ Quartiermeister allzeit so gemacht / daß er weit gnug von den Teutschen Gelosiert worden / darüber er im Rath offtmals sich zum höchsten beschwert: Aber vergebens.

Der Calvinischen Geist will vnder den Teutschen vñ Franzosen mit rechts zusam stimmen.

Eben zu der zeit / vñ wie man zum hefftigsten sich bemühet / nach dem der von Castillion mit vñ gefehr 1500. Schützen / dieweil ihm auff dem langwirigen weiten Wege viel geblieben waren / ankomen war: daß man die Zuge / nemlich den Vor / Mittel vñ Nachzuge / besser als zu vor / solte anordnen / auch die Quartir ordenlicher auftheilen / damit das Kriegsuoelck / den mangel an essen / sonderlich aber am Wein der dann sehr schwer zu bekommen war / vñ auch mancher Beuelchhaber sich etliche

E ij Wochen

Wochen mit blossen Wasser behelffen müst / desto gedultiger möcht ertragen : So sonsten des wegen sehr vngedultig waren. Da offenbaret sich ein neuwe schedliche practick / die der Feindt / vnder dem Teutschen Kriegsuoß gedacht anzustellen / in dem

Weil du Fabian deinem eignen General Obristen Herzog von Bulio so schmechlich vnd wider alle gebürdarffst nachreden / so ist vns nit seltsam / dz du auch vber andere deine Seen bleckst. So dann Herr Fabian sein glauben / bey den seinigē verlorē / soll er vns nit für vbel haben / daß wir ihm nichts glauben. Sag lieber / an welche Baum hastu den knecht hengen lassen / der so böse Brieff bracht hat? Wer ist da dra schuldig gewesen?

der Herzog zu Lottringen vnder seiner Handt vnd Sigel / ein offen schreiben an gedachts Kriegsuoß thette / vnd es vermahnet / von dem König zu Navarra abzustehn / vnd sich zu ihm zubegeben / mit verheiffung nicht allein Geldes / sondern daß er sie auch sicher widerum in Teutschlandt wolt lassen abziehen. Die Original Schreiben / welche einem gefangenen Knecht / als er widerumb los geben worden / heimlich bey gesteckt würden / sein noch vorhanden / vnd auff dem nothfall auffzulegen.

Ob nun wol solch Schreiben / ehe es dem General Obristen zu handen kam / von vielen war gelesen worden / vnd albereit nicht geringen vnwillen gewirckt / So ist doch solcher vnwill gestillet / vnd mit vorwissen aller Obristē / dem Herzogen zu Lottringen / dermassen Schriftlich geantworttet worden / daß er sich derselben antwort nicht hoch berühmen würdt.

Zu derselben zeit erzeget sich auch albereit ein vnwill vnder den Schweizern / sonderlich vnder dem Basler Regiment / Erstlich zu Sainct Belin, dann nach bey Ancile franc. Dann die gemaine Knecht vnder gemeltē Regiment / sich vnderstunden stracks auß dem Veldt / vnd nacher Haus zu ziehē / also daß solches zuuerhindern / etlichen Reuttern beuohlen wurde /

würde/ im Veld halten zubleiben/ vnd sich zu stellen/
da gemelte Schweizer zurück zuziehen sich vnder
stehn würden/ daß man sie als öffentliche Feindt
darnider schiessen wolt: Dardurch dann solche Müt-
terey gestillet wardt/ Aber wie sie bey Ancí le franc
zum andern mal sich weg zuziehen vnderstanden/
wurden irer etliche sonderlich die mit gewalt durch
dringen wolten/ von den Franzosen darnider ge-
randt/ vnd geschossen.

Solchem Vnrath zuvorkommen/ würdt zwis-
schen den Teutschen vnd Schweizern in dem
Quartir bey Chasteau Villain, ein association vnd
Verbündnuß angericht vnd getroffen/ dieselb auch
mit handt vnd mundt/ von beyder Nationen vor-
nehmsten Beuelchhabern/ an Eydes stat bestettiget/
dergestalt vnd also/ das keiner von dem andern/
ymb keinerley vrsachen willen weichen/ sonder bey
einander bleiben Leben vnd Sterben/ heben vnd
legen solten/ bis das ein Frieden gemacht/ vnd bey
derselts Kriegsvoldt/ ihrer in demselben Zug ver-
dienten Besoldung halben (dann von wegen der al-
ten außstehenden/ bezahlung/ haben sie sich keines
wegs wollen einlassen) bezahlet oder gnugsam ver-
sichert würden. Welcher vertrag auch noch vor-
handen/ wie er aber nachgehendt gehalten wor-
den/ das ist nunmehr meniglich bekandt.

Vnd damit allem Vnheil vmb so viel mehr
möcht vorkommen werden/ hat vielgemelter Teut-
scher General Obrister bey den Franzosen zum al-
lerhässstigen gehalten/ Daß sie doch an den Kön-
ig

Herz Sabian
hat mit gelebt/
aber nit mit ge-
storben.

Muß es dann
als erlogē sein
was die Cal-
uinstē einan-
der zusagen?

Die Calvini-
schen fasten
auch wann sie
nichts zuessen
haben.

Dürffen ande-
re mehr fürge-
ben als war
ist / warum
sols Herz Sa-
bian nit auch
thun.

nig zu Navarra vnder verschiedene Posten wolten ab-
fertigen / vnd ihne flehend bitten / vnd vermanen /
das er doch vmb seiner eignen vnd associirten wolt-
fart willen vnd den vor Augen schwebenden vnder-
gang seines Kriegsvoldts zuerhütten / nicht lenger
aussenbleiben / sondern zum vorderlichsten sich ein-
stellen / vnd sein Kriegsvoldt / welches ihme zugefal-
len / so ein weitten Weg mit so grossen Vnkosten ge-
zogen / vnd numehr ein lange zeit vil Hungers vnd
Kummers außgestanden / durch seine Ankuufft er-
frewen vnd allen beschwerden abhelffen wolte. Ob
sie aber jemandts an die Königliche Würde zu Nav-
arra geschickt oder nicht / das mag Gott wissen /
Einmal ist es gewis / das vom König von Navarra
dem teutschen Kriegsvoldt kein einziger Buchstab
zukommen. Vnd ob man wol fürgibt / das drey
frantzösische vom Adel in das Lager komen / vnd
Zeitung vom König von Navarra bracht / so lest
man gleichwol dasselb an seinem ort bewenden /
Aber bey dem teutschen Kriegsvoldt insonderheit
ist von höchstgedachts Königs wegen / nichts ange-
bracht worden / ja von dem frantzösischen Feldmars-
chalck Quayri selbst einmal bekant worden / das ein-
er vom Adel Bacla genandt / so kurz zuvor / ehe die
Schweitzer abgefallen / vnd der Einfall zu Aulnea
geschehen / ankomen / nichts anders als lautter Brill-
lenwerck gebracht / vnd den Keuttern im feld mehr
fürgeben als er im Beuelch gehabt.

Nichts desto weniger ist man in der hoffnung /
als wann der König von Navarra ins Lager kom-
men würde / noch alzeit fortgezogen / bis man gehn

Arli, vnd Aurai kommen / allda einer vom Adel /
Monglas genandt / welcher darnach auch zu Neufi
an der Loire, bey dem teutschen Obristen vnd etlichen
Rittmeistern / aber ohne einziges Schreiben gewes
sen / antommen / vnd angezeigt / das er vom König
zu Navarra keme vnd Beuelch hette / dem Kriegs
uolck anzuzeigen das ob man wol nur nach ein Tags
reise / von der Loire zwischen Charité vnd Gian we
re / das doch sein Königliche Würde begeret / das
man die Loire wider hinauff ziehen solt / mit vertrös
tung das sein Kön. Würde daselbst zum hauffen
stossen würde.

Sie ist sonderlich zumercken / wie fein sich der vor
gegebne Beuelch / dz man nicht auff Sedan darumb
man embsig angehalten / sonder die Loire hinab rey
sen sol / mit diser Botschafft zusammen reimet / da doch
außtrücklich erscheinet / dz der König von Navarra
von dem Zuge / welchen das Kriegsuolck gehalten /
nichts gewußt / vnd man von im auch kein Zeittung
oder Beuelch / wie man vorgebē gehabt. Vñ ist auch
solcher Zug / nemlich die Loire wider hinauff zu ziehē
vō zweyē vornemē Französischē Kriegs Rathē / dazu
mal / wie mā albereit so weit ins land komē / für gar
vnrachtsam erachtet / vñ gehalten worden. Dañ der
eine anzeigt / dz es nicht allein sehr beschwerlich were /
mit dem ganzen Kriegsuolck / denselbē wider an die
Hand zunemē / sonder auch vnmüglich / dañ man kein
Wagen oder Geschütz konte fortbringen / so were auch
dz Land (welchs mā le pais de moruant neñt) so vns
fruchtbar / dz der mehrertheil des Kriegsuolcks Hun
gers halben würd verschmachten.

Wie sich die
Caluinisten vñ
ihre sachen so
fein zusammen
reimen.

Wie

Wie es dann der Augenschein geben / vnd die
gung wissen / als man nach der Schweizer abson-
derung / vnd den einfall zu Aulenan / mit der gerin-
geren zahl des Kriegsvolcks / denselben weg / in mei-
nung / noch ein furth durch die Loir zu finden / vnd
vollends zum König zu Navarra zukommen / an die
Hand nemen müsten / Welches gleichwol auch vor
dem gemelten einfall / vnd so bald man merckte / daß
die Schweizer den absprung nemen wolten / resol-
uiert vnd beschlossen war / dieweil außserhalb der
Schweizer / das ander Kriegsvolck / Teutsch vnd
Welsch zu Ros vnd Fuß / auch vor dem letzten ein-
fall nicht viel vber viertausent wehrhafter Mann
starck / vnd nicht wol möglich war / den Könige / so
vorgemelten Kriegsvolck dem Herzogen von Guis
so / so an vnd auff der seiten vnd dem Herzogen zu
Lottringen / so mit seinen teutschen Reuttern vnd
Italianern alzeit hernach folgt / widerstand zuthun
so hat man auch sonst kein ander mittel. Dann mit
den Schweizern / sich zusammen zuschlagen / vnd
sich derselben absonderung willigklich theilhaftig
zumachen / daran ward man Ehr vnd Redlichkeit
halben verhindert / zum Feinde zuschicken / vnd
Gleit vnd Sicherung bey ihm zusuchen / das köndt
man auch nicht thun: Ohne Geleit / darvon vñ durch
zukommen / war auch nicht möglich / wie es auch die
erfahren / die im Geleit Schadens gnug gelitten: Der
wegen mußte man das dritte mittel an die Hand ne-
men / die Wagen zum theil verbrennen / zum theil im
stich lassen / vnd also die Loire wider hinauff ziehen.
Dem

Das letzt das
best / hett ihz
einandern selb
gefressen / so
het ihz die Pa-
pisten grosser
müß enthebt.

Dem andern Kriegs Raht/wie oben gemelt/
wolt er von dem Nauarischen Edelman vorge-
schlagne vnd ins Königs Namen begerte weg auch
nicht gefallen: Dann er besorget wann die Schweis-
zer (von welchen man dazumal noch gute hoffnung
hat) so hoch widerum hinauff vn̄ nahe an Lion ke-
men so würden sie alle wider nach Haus aufreissen.

Derwegen ward zu Neusi an der Loir be-
schlossen/ daß man gemelten Edelman sol forderlich
wider zurück schicken vnd dem König zu Navarra
sagen lassen/ auß was vrsachen/ man auff seinen Be-
uelch/ den begerten weg nit könte vornemen / vnd
das man im willen hett/ nach Beausse zuziehen/ sich
daselbsten etlicher massen zuerfrischen/ bis man zeit-
tungen von ihrer Kön. May. bekeme/ wo sie etwan
zum hauffen stossen wolte.

Wolt Gott der Allmechtige ihre May. weren
von so einem nothwendigen Werck nicht abgehal-
ten worden/ so were vil Unglück verblieben / Wa-
rumb aber ihre May. nit erschienen / auch nicht an
das teutsch Kriegsuolck geschrieben / oder auff des
teutschen General Obristen Schreiben nicht geant-
wortet. Item/ was doch ihre Kön. Würde/ oder
derselben verordente/ so das teutsch Kriegsuolck ge-
füret/ vor ein Scopum vnd Zweck gehabt / das ist/
noch bis auff den heuttigen Tag vnbewußt. Es
war auch beschlossen ein Teutschen vom Adel in der
Teutschen Namen / zum König zu Navarra zuschi-
cken/ welcher auch aller dings fertig war. Diweil
aber bemelter Nauarischer Edelman / seine Reise

So groß war
ihre Euffer ge-
gen dem Cal-
uinischen E-
uangelio.

Hab ein gut
Hertz Fabian/
weil Gott Cal-
uinisch ist / so
würde er dz Cal-
uinisch Euan-
gelium nit ste-
cken lassen.

von tag zu tag auffschub / must das ander (dañ man
sonst kein gelegenheit hat) auch verbleiben.

Dazumal thaten die Franzosen ein gar de-
mütig vnd glimlich Schreiben / an den König in
Franchreich / in meinung ein Friedens Tractation
dardurch anzufangen. Es eruolgt aber darauff kein
antwort / sondern der von Mommoranci ließ dem
Hertzogen zu Boullion entbieten / der König wolte
darauff antworten / wann es seine gute gelegenheit
were.

Bemelter Navarrischer Edelman schub seinen
zuruckweg zum König von Navarra / wie gemeldet /
sehr lang auff / nicht weiß man auß was vrsachen /
biß man in Beaulle kam. Allda sich dann die hand-
lung zwischen dem König in Franchreich / vnd den
Schweizern welche durch ihren Furierer einen der
zu Briare / als er das Quartier einnehmen wolte / an-
gespinnen wird mercken lassen.

Solcher Tractation vnd den schädlichen Con-
sequentijs vorzukommen / hat man sambtlich vnd in
sonderheit allen möglichen Menschlichen fleiß / müß
vñ arbeit angewendet / zu Sainct Pere, zu Gillerual,
zu Fosse Gillon, zu Sacla, vnd in denselben Quartier-
ren bey Estampes / vñ solches nicht allein Mündlich /
sondern auch Schriftlich wie es dan auff den noth-
fall zubeweisen ist. Was man aber vber alles flehen /
bitten / vermanen / vnd alle angewante mühe vnd
arbeit außgericht / das ist nunmehr hinwider so be-
kandt vnd erschollen das man es für ein vnnotturfft
erachtet / den Leser mit außführlicher erzehlung dises
handels

Herz Fabian
weinet.

handels auffzuhalten / vnd weiß menniglich / was
newlich den zehende februar. zu Zürich geschehen.

Dieselbe Tractation aber / ist vnder andern
auch ein Ursach gewesen / das man so lang hat zu
Aulneau liegen / vnd der Schweizerische abgeord-
neten / aus dem Königlichen Lager widerkufft /
auch ihrer endlichen Resolution / sich desto besser
darnach zurichten / hat müssen erwarten.

Daher dann eruolgt das der leidige Einfall
zu Aulneau auß dem Schloß daselbst / in welches
der Hertzog zu Guise / seine Schützen bey der Nacht
gebracht in das Stättlein / in welchem siben Fah-
nen Reutter lagen / vngesehr / auff die zeit noch sechs-
hundert Pferd starck (Dann etliche Fahnen / nicht
sibenzig oder achzig starck waren) geschehen. Drey
Fanen (davon man noch zur zeit wissenschafft hat)
seind drinnen blieben / aber die Kennfahne / des jun-
gen Johann Clots / Johann von Hörs (vnangese-
hen derselbe Fehrich gefangen gewesen) vnd Jo-
hann Spiegels Fahnen vnd Fehrich sein alle vier
darvon vnd heraus kommen. Des jungen Johann
Clots Fehrich aber ist nachmals gestorben.

Herz Fabian
beichtet seine
Sünd.

So seind auch in die funffzig vom Adel / dessel-
ben tags wie der Einfall geschach / noch heraus kom-
men / ohne die Gefangnen / die seithero von den Kö-
nigischen vnd Lottaringischen teutschen Reuttern
seind gelöst vnd heraus gebracht worden.

Groß Glück.

Noch in werendem Lermen / ritten etlich so zum
ersten aus dē Stättlein komen / stracks gehn Rogno-
uilne, ein halbe welsche meil vō Aulneau / allda lagen

Laufft/laufft
liber laufft/
Thut die thür
zu/dan die thür
ist schon hin-
ausf.

Wol ein feins
ding vmb die
Euangelisch
Lieb vñ einig-
keit.

Villeicht feins
am Gebet
entschlaffen.

Das Züricher vnd Basler Regiment / rufften vnd
schreyen die Obristen an das sie alsbald wolten her-
auf vñ für Aulneau rucken vnd den Feindt welcher
sich mit dem Plündern würde auffhalten / wider-
umb darinnen bringen / bis das ander Kriegsvolck
aller ankäme / dann die Franzosen waren damals
frue auff / vnd nach dem Rendezuous, wol fünff
Welsche Meilen von Aulneau gezogen / hierzu wa-
ren die Schweizer gar willig / bis sie auß ire Quar-
tier kamen / Darnach wandten sie wider vmb / vnd
zogen nach der Berner Quartier vnd halff kein Bit-
ten / wie solches vilen guten Leuten bewust. Es
war inen aber vmb die vier Monat zuthun / die der
König ihnen versprochen / wo fern sie sich wider ihn
vnd die seinigen nicht mehr wolten gebrauchen las-
sen. Sonsten hette man dem Feindt noch wol et-
was abbruchs gethan vnd hette darnach der Feind
nicht so grosse vsach gehabt sich zu rühmen vnd zu
Triumphiren wie er izo thut / dieweil er wie obge-
melt sechshundert Pferd (man red von Reissigen
vnd nicht Wagen Pferden) bey Nächtlicher weil
(welches gleichwol die Reutter durch die Wacht
hetten verhütten können) vberfallē lassen / darvon er
drey Fahnen / dauon man noch zur zeit wissenschaft
hat / bekommen / hat er mehr Fahnen bekommen / so
muß er sie auffm Wagen / so etwan einem verstorbe-
nen Fendlichen zugestanden / vnd nicht hat wider
angeschlagen oder von Reuttern bedagt werden /
bekommen haben / außserhalb dessen kan man sich
mit grunde keines grossen Abbruchs nicht rühmen /
sonder

sonder Hunger vnd Kummer vnd villerley Kranckheiten haben / leider / mehr Leuth hinweg gerafft / als der Herzog von Guise durch sein Vold erschlagen / dann was drey wochen zuvor zu Vimoribey Montargis geschehen in dem hat gedachter Herzog von Guise wenig gewonnen / dann ob er wol etliche gefangen / so hat man dargegen des Herzogen von Maine Sohn hart verwundet / den Marquis de l'Arq sampt noch vierzig statlichen vom Adel erlegt / des Herzogen von Maine eigene vnd noch sonsten eine Fahne erobert / den Feindt zu ruck getrieben vnd wider in das Quartier gezogen.

Wan Herz Sabian mit hette zu essen vnd trinckē gehabt so hette er hunger sterbē müssen.

Herz Sabian thut recht daß er den Guisiū nit gar zu hoch lobt / mā möcht es etwan nit glauben daß ernst wer.

Des andern tags ist man mit dreyzehen Fahnen / vnd dem Regiment teutscher Knecht hart an Montargis vorüber gezogen / vnd zwo stunden im Feld gehalten.

Vnd vnangesehen gedachter Herzog von Guise mit der ganzen Liga vnd allen derselben zugethanen in Montargis war / vnd meinet er hette alle die Teutschen erlegt / so ist er doch nicht heraus komen / auch sonsten sich nicht ein einziger sehen lassen / ein Scharmützel mit den Teutschen anzufangen / Daraus dann leichtlich die grosse Thaten / welche vonden darzu erkauften Jesuiten vnd andern Leuten in allen Schmachtractatlein so hoch gerühmet werde abzunehmen. Solcher Einfall hat eben so wol als der Einfall zu Aulneau leichtlich können verhüttet werden / wann man die schuldige vnd billiche Wacht hette wollen versehen.

Weil jr Calvinistē einander dz Bier so redlich außrüfft / mögen die Jesuiten wol feiern vnd in die hand lachen.

Beschant euch
in ewr selbst ei
gnē glauboge
nossen Gegen
bericht / vnn
sagt den Papi
sten darnach /
was sie geschri
ben haben / dz
jr mit auch sel
ber sagt vnn
Bezeugt.

Ihr habt auff
Teutsch ge
schlafen / vnd
auff Franzo
sisch hat man
euch auffge
weckt.

Es ist aber darzu kommen / das die Obristen vnd
Beuelchhaber die Wacht schwerlich gnug bis wei
len erhalten können / vrsach / dieweil die Quartier
bis weilen vngleich / vnn insonderheit / dieweil mit
Geldt verhanden / da doch der Feindt der darnach
kompt / vnn einem den Hals entzwey schlecht / auch
kein Gelt mitbringt. Dieweil sich auch die Reutter
vor dem Einfall zu Aulneau nicht kondten Resolui
ren / wie sie es wolten angreifen / ob sie es bey dem
andern Tag zu vor bescheneu Beschluß / wolten las
sen bewenden vnd noch länger bleiben / oder mit den
Schweizern sich zusamen schlagen / dieweil sie erst
lich den Tag vor dem einfall erführen / das die
Schweizer gänzlich sich mit dem König eingelassen
vnn dauon ziehen wolten. So gab solche vnges
wisheit vnd solcher zweiffel vrsach zum vnwillen /
das man nicht Wachen / vnd das man des Morgens
nicht zu rechter zeit blasen vnn fertig machen lassen
wolt / Darüber mancher / der vnschuldige mit dem
schuldigen verkürzt worden / der sich sonsten wol
salutren können / sonderlich dieweil die Wagen auß
serhalb der Kennfahne Wagen / noch mehrertheils
im Stättlein waren / auff den Aulneauschen einfall
ist das andere Kriegsvolk so mit zu Aulneau / son
der inn andern Quartiren gelegen des ersten Tags
fort gezogen / aber des andern Tags als sie gemerckt
das die Schweizer auff eine / vnd sie auff ein andere
seiten zogen / hat sich ein grosser vnwill erhaben / also
das nicht allein die Reutter sich getheilet / von den
vornembsten Beuelchshabern abgesündert / sonder
auch

auch geschreyen / welcher zum König von Navarra
will / der ziehe dorthin / wer aber in Teutschlandt
will / der ziehe hieher / hieher hieher.

Das Band der
lieb vnd des
glaubens helt
steiff / da einer
vnd der ander
ob auß wil.

An dem lief man es nicht bewenden / sondern
etliche ritten zu den Landtsknechten / welche ohne
einzigē Widerwillen in irer zugordnung vortzogen
sprachē sie an / was sie zuthun gemeint / ob sie inn
Teutschlandt wolten / oder zu dem König von Na-
varra ziehen. Ob nun wol der Landtsknecht Obrist
(welcher hierinnen neben dem General Obristen
vñ etlichen Beuelchhabern vil gethan vñ so wol sei-
ne Knecht als etliche vñwillige Reutter dahin ver-
mählt / daß sie alles biß auff den rendez vous woltē
einstellen) vnd die Hauptleuth so viel inen möglichen
die Knecht vermahneten ihnen zu folgen / so wurden
sie doch die Landtsknecht / durch die Reutter (die sie
ansprachen) bewogen / daß sie anfiengen zuschreyen
vnd zuruffen Teutschlandt / Teutschlandt / Teutsch-
landt / Jedoch wardt solcher vñwill etwan gestillet /
vñnd alles verschoben biß auff den Rendez vous.
Auff welche Rendez vous, der Herzog von Bouil-
lon vnd der Herz von Castillon so wol zu ihrem als
des Prinzen von Conty / welcher des Prinzen von
Conde Bruder ist / namen / mit den Reuttern handle-
ten / das sie doch noch weiter wolten folgen / vnd sich
nicht von inen absündern.

Schreyt doch
auch ein Kalb
nach der Kuh.

Vnd sie darzu zubewegen sagten sie den Reuttern
zu / das sie die Reutter vñ Knecht inerhalbst Monats
frist wolten zu dē König von Navarra führen / vnd
als dann inen ire woluerdiente Bezalung oder Ver-
sicherung

Sein sie doch
mit vmb Gel-
tes / sondern
allein auß lieb
der Religion
hinein gezogen.

sicherung zu wegen bringen / auch daran sein / damit
ihnen ihre Wagen / die sie verbrennen oder zurück
lassen müsten / solten bezalt werden / Oder da in sol-
chem der geringste mangel würde erscheinen / das
als dann Conty / Bouillon vnd Castillion wolten
der Reutter Gefangne vnd Geysler sein. Welches
die Reutter zu friden waren / vnd demnach es alles
bewilliget / forderten sie ihren General Obristen in
den Kraiß / das er alles widerholt vnd gemelte
Französische Herrn ihrer zusag erinnerte / welches
auch geschach. Es ward auch des wegen von den
Franzosen ein Verschreibung vnd Obligation be-
williget auch gefertiget vnd ins Teutsch gebracht.

Demnach man aber 15. ganzer Tage / anein-
ander ohne stilligen in dem vnfruchtbarsten Lande /
das in Franckreich vorhanden / Pays de Moruant
genant / forziehen muste / ist es allwegen verblieben /
das gemelte Obligation nicht in Originali ist gefert-
iget worden. Als aber der von Castillion vnd et-
liche andere zu dem König von Navarra ziehē wol-
ten / da wolten die Reutter solche Obligation haben
Der von Chastillion aber antwortet / das er vnd
andere ihnen die Obligation zugesagt / wofern sie
mit zu dem Könige von Navarra würden ziehen.
Dieweil sie solches aber nicht thun / sonder mit dem
von Espernon sich in Tractation einlassen wolten
so were man ihnen die Obligation nicht schuldig /
darüber dann die Reutter sehr vngedultig waren.
Als man nun gemelte 15. tage aneinander gezogen /
vnd auff Rendez vous, Anci genant gekommen / ist

Wie es vberal
richtig zuge-
gen / also auch
da.

Mon

Monſieur de Cornion, welcher ſonſten einer vñ den
Hauariſchen Feldmarſchalcen/ vñ bey dem Kö-
nig in Frankreich gefangen war/ zum drittenmal
ankommen/ vñ neben des Herzogen von Eſpernon
Juncfern Monſieur de l'Isle genandt/ den Reuttern
vñ Knechten ein ſicher Geleit widerum in Teutſch-
land zuziehen/ angeboten. Neben dem das man
auch die Fahnen dem König ſol liefern/ welchen
Puncten man gleichwol fallen laſſen/ dieweil die
Reutter ſich lieber wolten laſſen zuſtucken haben/
als denſelben eingehn/ vñ iſt man mit fliegendē Fah-
nen gezogen/ biß das man in Saphoy vñ zu Ma-
con vber die Bruck kommen. In diſem Ort nemblich
zu Ancierhub ſich abermal ein groſſer vñwil/ dann
die Loire war ſo groſſ/ das nicht möglich war dar-
durch zukommen/ hinder ſich kont man auch nicht
kommen/ dann der Herzog von Eſpernon ſolget
allzeit hernach.

Und ob wol der Herz von Chaſtillion ein mittel
vorſchlug/ das Kriegsvolck von Daulphinè oder
Viarez ſicher fortzuführen neben andern guten mit-
teln/ wie ſie vnder wegens ſolten gehalten werden.
Dazu dann vil ganz willig waren/ vñ lieber ein
ſolche Reiſe wagen/ als das vom Könige angebote-
ne Geleit annemen wolten/ ſo kund man doch die ge-
meine Reutter/ keines wegs/ darzu bewegen/ Wel-
che auch dem General Obristen/ andern Obristen
vñ Rittmeiſtern zum heſtigſten draweten/ wann
ſie mit dem von Chaſtillion darvon ziehen/ vñ ſie
zuruck laſſen würden/ So ſtiegen auch die Reiffige
Knechte

Wo der Cal-
uiniſten Gott
ſelb Feld Obri-
ſter iſt/ da ge-
hets alles ſo
ordenlich zu.

Knecht / deren Jundherin mit in Languedoc wolten ziehen / von den Geulen ab / vnd bunden dieselbe an die Seune vnd wolten keines wegs mitziehen.

Zu dem kamen auch etliche / vnd fast die vore nembste Französische Kriegs Rätthe / vnd zeigten an / das es nicht möglich were mit dem Herrn von Castillion durch zu kommen vnd die da rathen solten / das man zum König von Navarra zukommen sich vnderstehen solte / die widerrieten es / wie man dann die jenige gar wol namhafft machen kan / vnd mag Gott wissen warumb sie es gethan / das es also allerley Disputierens gab. In dessen zog der von Castillion / dieweil die Reutter nit volgen wolten / Weg / wie er dann glücklich vnd rhümlich durch kommen / vnd man ihm des wegen am Königlichen Französischen Hoff grosses lob nach saget. Der Prinz von Conty verlur sich / wie auch die meisten vom Adel / so auff der Navarrischen seitten gewesen / Der Hertzog von Bouillon aber blieb alda / vnd da man nit weiter kundt vnd die Reutter keines wegs mit in Languedoc / sonder kurtzumb wider inn Teutschlandt wolten / auch die Landtsknecht von allen ihren Wehren kommen / vnd dieselbe auff obbemelter langwirigen reise mehrer theils wegge worffen hatten / Die Reutter aber durch etliche Beuelchhaber / wiewol bewust / dem obbemelten Monsieur de l'Isle das angebottene geleit / albereit bewilliget / musste man es mit beschwernus darbey lassen bewenden.

Weit hin dan /
mein Herz Sa-
bian ist guet
fürs treffen.

Solten

Solten nun etliche wenig Personen / sonderlich hohe Beuelchhaber allein vor sich in Languedoc gezogen sein / alda sie dann ohne das Kriegsvolck nichts hetten können aufrichten / als die Bezahlung sollicitiren, so kan ein jeder erachten was die andern Reutter zu irer widerkunfft in Teutschlandt / sonderlich da jnen in abwesen irer Obusten vnd Beuelchhaber etwas widerwertiges widerfahren were / gutes gesagt / vnd ander Leuth auch darvon iudicirt hetten.

Derowegen sein die Beuelchhaber bey den Reuttern geblieben / vnd auch von jnen (wiewol sie es leichtlichen wann sie nicht mehr bedacht hetten / thun können dieweil ein jeder that was ihm gefiel / vnd kein Beuelchhaber fast mehr geachtet wüdt) nicht gewichen biß sie naher Genff / vnd also auff freyen sichern Boden kömmen.

Mit obgemeltem Geleit hat es die gelegenheit / das der Herzog von Espernon woll zugesagt / sie die Reutter vnd Knecht biß auff Teutschen Boden im Namen des Königs sicher Passirn zu lassen / vnd selbst in der person zugeleitten. Es ist aber gar nicht geschehen / dann man jnen den Herrn von Sellaac zugeben vnd sie nicht weiter / als biß gehn Macon vber die Brücke / welches vngeschriz. Welsche Meilen von Marsigni le Nonain, alda der Herzog von Espernon war / gelegen ist / geleitet vnd sie darnach sorgen lassen / Wie sie ferner fortkomen auch Sellaac gesagt: Qu'ils allent à tous les Diables à ceste heure. Ober den 12. meilen ist man fast 4. tage gezogen /

Sie sagen alle bereit die heraus kumē sein nichts guetes vñ iudicirt meniglichem dz je nārrisch gehan let.

Die Euangelisch Freyheit vermags.

Wiewol sie al vnd in der zeit seyn die Reutter vnd Knecht / sonder
le gut vnd blut lich die etwan franck gewesen / oder sonsten zuruck
armb gewesen geblieben / von den Geleits Leuthen wie man sie nem
noch hat man jnen jammer- nen mocht / so jammerlich bestolen / geplündert vnd
lich vil gestole. aufgezogen worden / das kein feindt sie vbeler bet
Rheim dich. tractirn können / vnd ist das Geleit nicht im gering-
sten Puncten gehalten worden.

Vnd ob man wol die Reutter dem Herzog
gen von Espernon widerumb zusagen muste / sich
nicht mehr wider des Königs in Franckreich Person
gebrauchenzulassen / So ist doch solches mit diesen
ausdrücklichen Conditionen geschehen / Erstlich
wann sie von des Königs Vnderthanen darzu ers
fordert oder bewegt solten werden / (oder wie es im
Französischen lautet / appelez par les Subiets) so
woltten sie sich nicht mehr wider des Königs Person
gebrauchen lassen. Zum andern wann sie sicher ge-
leitet wurdten / welches aber nicht geschehen / dem
nach man zu Macon vber die Brücke kommen / ist
man in grössern beschwerden gewesen als zu vor nie-
mals / dan da ist weder der Herzog von Bullion sei-
liger / noch ein eitziger Franzos mehr bey den Teut-
schen gewesen / der ihnen den geringsten Rath hette
mittheilen können. Des Herzogen zu Lottringen
Sohn / sambt dem Herzogen von Guise lagen inn
Burgundt / mit irem ganzen Kriegsvold / der gantz
lichen mainung man wurdte den Weg vnd herauf-
zug auff Nompelgart nemen / alda sie dann die Na-
uarischen woltten genzlich erlegen / vnd wuste man
also fast nicht / wie man es sol angreifen.

Unglück vol-
auff / damit die
Prophecey eu-
rer Predicantē
erfült wurdē /
welche lauter
glück / heil / sig /
vnd guldene
Berg weisige-
sagt haben.

dure

Dieweil

Diweiß aber der Teutsch General Obrist / so bald als er vermerckt / daß man zu Macon müste vberziehen / einen an den Herzogen von Saphoy vorher schickte / vnd daselbst vmb den Paß ließ gebürlich anhalten / mit vermeldung / welcher gestalt man durch zuziehen begerte / auff welches ansuchen gleich wol noch keine resolution eruolet ware.

So zoge doch gemelter General Oberste mit dem vbereinzigem Kriegsvold im Namen Gottes fort vnd nam seinen Weg durch das Landt Bresse naber der Claussen auff Genff zu / des gänzlichen versehens / es würde vom Herzogen von Saphoy ein gnedig vñ gute antwort eruolet. Wie dan auch geschehen. Dann demnach man zu Sardon bis auff den 4. tag auffgehalten wardt / kam in zwischen der Graff von Martineuge f. D. zu Saphoy Leutenandt in Piemont / vnd Monsieur de Iacob Höchste gedachter f. D. Rath vnd Statthalter der festung Mommelian, vnd liessen dem Teutschen Kriegsvold anzeigen / daß sie solten auffziehen / ire f. D. wolten sie sicher passiren vnd bis naber Genff geleitten lassen. Dargegen sich der General Obrist schriftlich verobligiern müssen / das durch die Reutter kein schade den Vnderthanen in Saphoy solzugefügt werden / auch so lang bey den Commisarien bleiben / bis der Zug aller dings vorüber vnd geschehen were. Also came man zu Genff glücklich an / welche Stat nachmals den Francken vnd dürfftigen viel guts gethan. Von dannen ist darnach ein jeder durch die Schweiz seines Wegs gezogen.

Zabē sie doch keine Degen mehr gehabt.

Da sehe einer/
ob Herz Sabie
an mit ein ge-
waltig redlich
man?

Wer Caluini-
sche Franzo-
sen sagen nein
darzu.

Ich glaub aber wann der General Obrist nicht bey dem Kriegsnoth blieben vnd sie nit durch Saphoy durch geführet/ vnd sie dessen hett wollen entgeltet lassen/ das so bald sie zu Macon vberkamen/ die Fanen seiner abwesent abriessen vnd einer in die Statt Macon zuruck/ der ander zu einem Edelman/ der drit hin vnd wider zog/ es weren nicht vil dauon vñ durch kommen/ Er ist aber bey ihnen geblieben bis nahe Genff/ vnd Glück vnd Vnglück bey ihnen ausgestanden. Wiewol er gar zeitrig vom Herzogen von Saphoy ein sicher Geleit auff 25. Pferd erlangt/ hat sich aber dessen nicht wollen gebrauchen/ sondern ist bey den Keuttern geblieben.

Dif ist nun ein Summarische warhaffte erzehlung der vornembsten/ die sich in bemeltem Zuge begeben/ darob man ein jedern verstendigen vnd vñ partheyischen iudicium last/ ob das alles war ist/ was man bis anhero/ von der einen vnd andern Sach vnderschiedlich außgeben vnd fürgebracht.

Auf welcher warhafften vñ partheyischen erzehlung man ein jeden bey sich selbst ermessen lest. Erstlich ob die Franzosen das teutsche Kriegsnoth/ so sich ihnen zum Trost vnd Rettung/ also in einem gefehrlichen weiten Zug/ mit so schwerem grossen Kosten von Hauff begeben/ wie es sich gebüret/ vnd nach Kriegs Brauch geführet/ vnd vnderhalten/ Zum andern/ ob des Königs von Navarra aussen bleiben/ vñ dz er weder de Pringen von Conde noch
son

sonsten keine ansehnliche Person / zum Kriegsnoth
an seine statt geschickt / daß man auch niemals eigent-
lich wissen können / was der Navarraischen Französö-
sichen Kriegs Râth / gründliches vorhaben / Ziel
vnd Zweck wer: Zum dritten / der Schweizer ab-
sprung / der Hauptsachen vnd ganzer expedition ges-
murt vnd gefrombt habe: Ferner ob auch vor
mals in einem teutschen Zug / so viel vornehme Be-
uelchhaber / darzu balde zu anfang des Zugs / zum
theil an Leibs Kranckheiten gestorben / zum theil ge-
fangen worden / zum theil auch in werendem Zug /
vil krank gewesen / Vnd ob derowegen die vber-
bliebene Beuelchhaber die gebürliche gehör vnd
volge / bey menniglich / sonderlich in mangel Geldts
vnd anderer Notturfft / haben können erhalten vnd
also aus oberzelten vrsachen / die Sach ein andere
endschafft Menschlicher weiß / wol hat gewinnen
mögen:

Zum vierden/
Ob man bald
einen solchen
Mann werde
findē/ als Herz
Sabian ist:

Die Antwort
volget strack
hernach.

Was dann die vielerley Kranckheiten / vnd
das vil vnderwegens vor vnd im abzug krank wor-
den vnd gestorben / anlangen thut / dieweil das als
lein in Gottes Handen stehet / wirdt keiner solches
anderen vrsachen zumessen / dan menniglich bewust /
daß auch die gewaltigsten Keyser / vor vnd zu vn-
sern zeitten solche sachen durch ihre vorsichtigkeit nit
können verhütten / vnd gibt der Mexische vnd an-
dere mehr Züge / dessen gnugsam Zeugnuß / so noch
bey vnsern zeitten geschehen / vnd noch in frischer ge-
dechnuß sein.

Zum

Zum beschluß
sol mann Herz
Sabian mit ei-
nem alten Za-
fen kröne/ den
er der Ehren
würdig.

Zum Beschluß / im fall jemand's vorhanden/
dem durch diesen Bericht nicht ein genügen geschehen
were / der wirdt verhoffentlich zu mehrer satter ero-
kündigung ferners Bescheidts sich bey denen erho-
len / so den sachen vom anfang bis zum ende beyge-
wohnet / vnnnd nicht bey einem jedern Landlauffer/
Merleintrager / oder sonsten einem / der hin vnd wii-
der in den Wirtzheusern / bey dem Wein / vnd damit
er ein freye Zech bey dem Wirt möchte haben / viel
plauderns vnnnd waschens machen kan / Vnnnd
wann er es beweisen / oder in beysein anderer
abwesender sagen vnd reden solte /
so würd er es wol vnder-
lassen.

Prouerb. Salomonis Cap. 16.

Loß wirdt geworffen in den Schoß /
Aber es fellet wie der HERR wil.

Sie haben der blinden Katzen gespielet.
Zun Rhvornern am 13.
Capittel.

Antwort/

Auff Herz Fabian von

Donaw Außschreiben/2c.

Ich hab dein Außschreiben/
der von Donaw/nit ohne sondere Bes
wegnuß meines Gemüts gelesen/dañ
es beschmerzet mich / vñnd trug mit
leiden mit dir/ darumb daß dir nit ge
nug gewesen ein solch ansehenlich Heer durch dein
vnfleiß schier mit verlust ganzer Christenheit zuver/
warlosen vñnd verderben / sonder daß du noch vber
das dein Fahl vñnd Irthumb nit mit Reicht vñnd
Buß/sonder mit anderer Leuth ehrmerlegung ent/
schuldigen wöllen. Besonder aber hat mich zum
höchsten verdrossen/ daß du ehrlichen Leuthen / zu/
worderst di Herzog von Bullion seligen/ so schwäch
lich/wider alle gebür nachreden darffst. Mir ver
schmacht auch nit wenig das solches durch dich eben
in der Sprach/welche die jenige/denen du die schult
gibst/nit verstehen/Beschehen/ Vñnd hielt darfür du
spantest den Wagen für die Ros / in dem du deines
thuns vñnd lassens frembden Leuthen reitung thust/
ehe dann du dem König von Navarra einiche Rela
tion gethan / als dem du mit Eid verpflichtet warest/
dessen Agent vñnd Benelchshaber du auffß wenigst
woltest gehalten sein/den du es sey gleich durch dein

Schir erlaufft
kein Hasen/die
Christenheit ist
weiter vñnd
größer als der
Caluinisch tan
benschlag.

Geschichte sol
ches in der Res
ligion/wz sol
dan hie für Bes
dencken habē

h

schuld/

Das wort des
Herrens bleibt
ewig/ ewre sa-
chen schmelzē
dahin.

Zin ist hin / ju
ha widawa / 2c

Die Euan-
gelischen können
auch betriegē/
vnd betrogen
werden.

Wer hette ge-
meint das so
starck Euan-
gelische vnd so
guet Caluini-
sche Lent mit
falsch vngien-
gen.

Schuld / oder vbersehen in höchste gefahr eingeführt/
dem soltestu dein entschuldigung vnd verdedi-
gung am ersten fürgebracht haben. Aber da bestes-
hestu wie Butter an der Sonnen / vnd fleuchst den-
der wol zu dir noch lebendigen (wie dieser Keyser zu
seinem abgeleiteten Obristen) sprechen möcht. Du
Freyherr / stell mir mein Heer widerum zu / gib mir
meine Reutter / gib mir meine Knecht / wo seind mei-
ne Teutsche ? wo seind meine Schweizer ? du hast
mir sonil redlicher Kriegsleut vmb's leben gebracht/
das gib ihnen widerumb / stelle Franckreich / Teutsch
vnd Niderlanden / sambt allen frommen ihr hoff-
nung widerumb zu / die sie zwar nit von dir / als
dessen gebär vnd herkommen schier keiner ge-
wüß / sonder vonn einem so ansehnlichen Heer
gehabt / So fleuchstu nun zu andern / welche du
zubetriegē vermeinst / aber selb betrogen wirst/
Sie sein verstendig gnueg / vnd fromme hal-
ten frömblich vnd recht von frommen / Vnd du
wirst diejenige / deren Vätter / Kinder / Gebrüder /
Vetter vnd freundt du schentlich verführt / mit dein-
nem geschwätz nicht ein anders / als die Sach an ihr
selb / Bereden.

Nun hab ich erstlich nit vnderlassen können / so
bald ich dein Büchlein gelesen / das jenig / dardurch
die wahre Ursach dieser Niderlag / vnd zu der falsch-
deines fürgebens / meniglich kundt gethan wurde/
mit kurzem zuvermercken. Was die andern / wel-
che du in diesem deinem Schreiben offentlich an-
tastest / die weit von hinnen sein / vnd die Teutsche
sprach

sprach mit verstehen / Belangt / die werden dir viel/
leicht mit mehrem / da sie dich anderst für gut genug
halten / antworten.

Es hat bey zweyen jaren hero ein grosser vnd
verstendiger Fürst des Reichs / den du wol kennest /
als der mit einem ehrlichen / ansehenlichen Mann /
wie man Kriegsvolck bekommen vnd im Franck-
reich bringen möcht / Gerathschlaget / gesagt : Es
were mehr zubedencken / vnd daran gelegen / was
man für ein Obristen / weder was man für Kriegs-
leuth hett / dem alten spruch nach : Man richte mehr
auf mit einem hauffen Hierschen / den ein Löw /
weder mit einem hauffen Löwen / den ein Hirsch
führt / So man nun den aufgang grosser schlach-
ten zu gemüth führt / so findet sich / das offtermahl
durch eins einigen Manns vorstehen mehr / weder
mit einem ganzen Heer aufgericht worden / Ein
einiger Mann erhelte was verlor was / ein einiger
Mann verderbt was am besten was. Dessen ha-
ben wir alte vnd neue Exempel / Das hastu Mei-
ster Fabian / jez lezlich mit deinem Exempel / aber
mit verderben der Kirchen in Franckreich / mit
der Teutschen schaden / vnd mit ganzer Chri-
stenheit gefahr / nur zumil erwiesen / Aber ich
weiß wol was du sagen wirst / Nemlich der
Hertzog von Bullion sey Kriegsobuster gewesen /
vom König von Navarra darzu bestelt. Ja
bekenn das dem Hertzogen von Bullion das
Obustkriegs Regiment vom König von Navarra /

Da komen die
Caluinische
Practickē wie-
der die Catho-
liche selbst an-
tag.

Die Calviniste
haben die Kir-
chen in Franck-
reich verwüst /
Herr Fabian
hat vermeint
er sol jm auch
also thun.

Auff diese of-
fentliche zeng-
nuß solle man
den Calvini-
schen Predi-
cantē dz man
stossen/ Dann
sie diese lang ge-
richte Practic
laugnen/vnnd
es auff die Ca-
tholische liegē
dörffen.

wo solches der Durchleuchtig Fürst/ Johann Casio
mir nit vber sich genomen/war angetragen worden
das er das aber gehabt/besteh ich nit. Vnnd ist ges
wiß/dz man lang darmit vmbgangen/als die Fran-
zosen bey dē König von Navarra vn̄ sein verwilli-
gūg angehaltē/da gabē die deinigē/ b̄sonder Hugue-
ria für/du wärst von dē Hochgedachtē Herzog Cau-
simiro in abwesen des Königs/oder eines auß Kūni-
gliche Gbluet/zum Obristen fürgenomen/mit vber-
mütiger betroung/er wolte nit allein teutsch Reuti-
ter vnd Knecht/sonder auch die Schweitzer selb in
Harnisch bringen/wo sie dich nit ohn alle aufred
für ein Obristen auffnemen/So habt ihr den guten
Herzogen von Bullion auch nit allein Obristen sein
lassen wollen/aufgenommen aber die/so er selb zuge-
firt/Aber die jenige so der Herz von Mouy vnder
ihme hett/vnnd die der Herz von Castillon herzu
bringen würd/die solten vnder dem Freyherz/nem-
lich vnder dir/sein. Ich bit dich darumb/mein
Freyherz/warest du auch dem Herzog von Bullio-
on gemess? Ja wann du dich alsouil auff Kriegsfa-
chen verstanden hettest/wie einem Kriegsobristen
von nöthen ist/so het ich dich villedicht passiren lassen/
vnd ich hab den ewig löblichen Fürsten souil gekent/
das er sich des wegen mit dir nit vertragen hett/aber
das du Freyherz/dem Fürsten gleich sein woltest/
das war nit mit Worten/sonder mit Wercken/vnnd
solcher tugent/so du mit angebomer Fürsichtigkeit/
vnd langem Gebrauch bekommen vnnd bestättigt
hettest/zuerzeigen. Als dann hett er seiner Hoheit
halber

halber deiner Kunst vñ erfahrung gern nachgeben/
aber sein Hoheit vnd verwandschafft mit dem Kün-
ig vnd des Königs schreiben haben ime diß ambt/
wie jung er auch gewesen/ angetragen. Was sagstu
darzu? Ja es sein etlich hundert in disem Heerzug
gewesen/ welche dich an Gebluet/ erfahrung vñ
Tugent/ wo nit vbertrossen/ doch auffß wenigst
gleich gewesen. Auff die letst ist die sach dahin gera-
ten/ daß der Fürst nur den Namen/ der Freyherz
aber den Gewalt hett. Der Freyher dorfft den Hero-
zog nit/ sondern der Herzog den Freyhern/ von
Ehren wegen fragen/ Die Schweizer solten auch
den Freyhern fragen/ dahin haben die deinigen den
Herrn Cleruanci gebracht/ jederman weiß/ daß die
Kahtsuersamlung bey dir gehalten worden vñ
der Fürst/ samit den Kahnten haben dem Freyhern
nachgehen müssen. Meinstu ich weiß nit das man
den Herzogen auch also Krancken zu dir in Nacht ge-
führt? vñ gesetzt du werest ordentlicher weiß zum
Obristambt kommen/ soltestu dannoch der beschei-
denheit gewesen sein/ daß du des Krancken Fürsten
verschonet/ vñ den Nacht bey ihme soltest gehalten
haben.

Du sagst/ dir sey diser Beuelch wider dein wil-
len auffgelegt/ denn du dich nit für gemef gehalten/
Ist das war/ daß du dich zu solchem hohen Beuelch
zugerung geacht/ so hastu dich selb erkent/ wie dann
solches alle Menschen vñ sehr viel mit ihrem scha-
den bekennen. Daß er dir aber wider deinen willen
anfferlegt/ dem du vil Monat zuvor mit allem fleiß

Wann schon
einer gern zu
Ehriem/ so
gunt man ime
nit.

So hör ich
wol Herz Fa-
bian bestünde
nit wol auff
nach/ seiner red.

Thut schon lie
be Herrn/seydt
Ihr doch beyde
Evangelisch.

noch
ne
et
am

Tringen sie
doch ewere
Evangelische
Predicantē ein
welches mehr
ist.

Keden vnd nit
halten ist gut
Caluinisch.

nachgestellt vñ etliche vil vor vilen Monate gewußt
das du ihne erhalten würdest: Das wirstu mich mit
vberreden/troll dich mit disem Geschwetz/ du frey/
herr/ich kenn dich wol/ Hastu dich zu solchem Amte
zugerung gehalten/ warumb hastus angenommen?
Warumb hastus mit den jenigen angetragen welche
dir am Alter/ am verstand/ am ansehen/ an der er/
fahrung vñd Kressen vorgangen? Warumb hat
man solchs Beuelch nit gefürsten personen wie vns
vertröstung beschehen/ auffgelegt? Ich weiß deren
vier/die ihrer frumbkeit auch vnderthenigsten wil/
len nach gegen dem König solch amt gern vber sich
genommen hetten. Das du sagst/die Hauptleut vñd
Vorsteer haben dich darzu erkieset/ wie solches be/
schehen/ ist offenbar. Ich hab etliche vom Adel vñd
Kriegsleut darnon hören reden/ welche zum höch/
sten verdrossen/ da sie gehört/ das du Obrister wor/
den. Du bist eingetrungen freyher/ aber nit ordent/
lich/oder billich erwehlet worden. Wie du aber dein
nem Beuelch vorgestanden/ mit was fleiß/ auffsehen/
fürsichtigkeit/ Tugend vñd Redligkeit du solchen
geführt/ wollen wir ander werts sehen.

Das du aber sagst/ man hab auffser des Hertzog/
gen von Bullion nichts anfahen dörfen / Wie du
das gehalten/ ist in vil weg bekant. Vorderst gebens
zuerkennen die geheime vñd verderbliche Gespräch/
welche du mit den Luthringischen/ schon zu vor ehe
dann du vñd dein Hauff auß Elsas gezogen/ gehal/
ten/ welches dein Hugueria nicht langnen kan/ dann
es haben ihne die gefangne Potten/ vñd der Feind
schreiben

schreiben / auch andere vmbstend / deren ich theils
wol weiß / verzeihen / Wir wissen auch / was jetzt ge-
dacht Hugueria in Herbergen im Elsas / zu Lenins
villey vnnnd andern orten für heimlich vnnnd bestelte
Gespräch gehalten / Ob das nit henckens wert sey /
darumb schawen ewere Juristen auff. Ja sprichstu
was wir gehandelt haben / das ist gemeinem Nutzen
zu gutem beschehen / dem ist nit / aber es sey ihm also.
Der von Bullion ist entweder ewer Obrister ge-
wesen / oder nit. Ist ers gewesen / wie du für gibst / so
sein dise treulose Lent / die auffer seines Beuelchs mit
den Feinden heimlich gespräch gehalten. Ist ers nit
wie ers dann nit gewesen / so schaw du auff was du
thust / in dem du allen Haf deiner Vbelthaten auff
die fromme / in Gott ruwende Seel / würffest.

Henckermessi-
ge bossen der
Evangelische.

Das Schloß Arbevillory in Lottringen / das
zum widerstand nit sehr vest / vnnnd sich dannoch nit
auffgeben wolt / hat der von Bullion / so in der na-
hend gewesen beschossen. Da schicket mein Freyherz
flugs sein Haugwern mit grossen Geschrey / das der
Hertzog solches one des Freyherm Beuelch gethan
lest ihm anzeigen er sol abziehen / vnd wann solches
mehr beschehe / so wöll er Freyherz mit seinem Volck
dem Teutschland widerumb zuziehen / Aber das
Closter Clarenall dorfft der Freyherz / dieweil er et
was darin gewußt / auffer des Fürsten wissen / wol
angreifen. Die Münch lösen sich mit 8000. Kronē.
So aber dise Summa nur mit plossen wortē verspro-
chen / vñ der Kriegserfahne Freyherz keine Geißel
oder

Gott hats ge-
rochen.

oder Sorgschafft genommen / als sich die Münch her
nach auff der gefahr befunden / was sie mit worten
versprochen / haben sie mit worten bezahlt. Der
gleichen hendel haben sich wol tausendtz zugetragen
Sich mein ich mag mit alles erzehlen. Das kan ich nit ver
schweigt still / schweigen / damit dein gehorsam vnd achtsamkeit /
man würd ge auff den / welchen du deinen Obristen rühmest / er
weiß ewr desto scheine. Nach dem du vnder den Herbergen jeders
mehr lachen. scheine. Nach dem du vnder den Herbergen jeders
zeit die Wahl vnd vorthail gehabt / hat der Herzog
von Bullion den deinigen mehr als einmal weichen
müssen / vnd die ort da er hin furirt was / offft nider
gerissen / Welches / wie viel anders vnbil mehr / der
fromme fridliebend Fürst mit gedult hingehen las
sen.

Du beklagst dich / die zahl der Kriegsleut sey
nit ganz gewesen / so seyen sie auch nit zu rechter zeit
kommen. Welches ist aber die schuld / mein Fabian?
Du als ein Obrister hast mit iuen gehandelt / vnd
hast keinen auß des Königs von Navarra getrewen
Dienern in deinen Rath schmecken lassen / es sey dan
auf einem gespött beschehen / hast mit dir genommen
die dir gefallen / das du aber gut ehrllich Leuth / ver
stendige vnd beherzte Männer / die Gut vnd Blut
Gemach / ge beim handel zusetzen wolten / hochfertiglich außge
mach meine schlagen / das verschweigstu. Item das du mit
Herin / seins deinem vnuerstand / oder viel mehr vnshamb / diß
doch nur Politi tische vñ Kriegs sache / de glan
ben / der lieb / verlegt / das du etlich Monat lang / mittē im Teutsch
vnd dem gwis landt / als werestu in Calicut / vmbschlentzieret / vñ
sen nichts be andern sachen / die zuerzelen viel zu lang / nachgange.
nommen.

Du

Du sprichst des Königs von Navarra Commissarien haben diese ding verhalten / Ich glaubs. Was solten sie gethan haben / sie hatten den Namen vnd du allen Gewalt. Du beklagst dich / der Castilou sey spatt kommen / dannoch ist er kommen / vnd nur mit etlich hundert mitten durch die Feindt / vnd der Feindt Landt gezogen / das du mit souil tausend nit gethan hast. Es wär zu wünschen du wärst auch wie spatt es immer gewesen an die ort vnd end kommen / dahin du mit allem fleiß soltest geeilt haben / wohin dich die noth / des Königs von Navarra beuelch / vnd dein geschwornen Eid erfordert. Vnd jr / so diesen Zug / wie ein grosse geheimnus / in der still gehalten / sollet ihne bey zeit auffgemahnet haben / wann jr bey zeit hettet kommen wollen.

Weitter sagstu / die Franzosen haben außgeben / so bald das Teutsche Kriegsvold in Franckreich ankam / so werden vnzehlich viel von der Gemain vnd vom Adel auff des Königs von Navarra seiten fallen / vnd viel Stätt werden sich ergeben. Laß sein / sie habens gesagt : Wer hat im aber traumē lassen das du vber diesen Hauffen würdest Obrister werden ? Vnd welcher redlicher / ehlicher Kriegsmann wolt sein Leben Ehr vnd Gut vnder dir in die Schantz geschlagen haben ? Die gute redliche Leuth / so du herein geführet / haben noch zu der zeit / als sie ankomen / nit darfür gehalten / das du jr Obrister soltest werden / vnd da man dich zum Obristen benant / habē sie nit wol mehr zu ruck kund. Hastu aber Kriegsleuth an dich ziehen vnd die

Eid schweren vnd halten / ist nit breuchlich bey den Caluististen.

Vielleicht hat mā sie mit offenen Brieffen / Gelt / vnd verheissungen bestochen.

Das Calu-
nisch Euange-
lium hat El-
sasz verhergt.

Stätt zum auffgeben anreitzen wollen / soltestu zu-
vor ein Prob/ mit ritterlichem stuck/ gethan haben/
damit du fortzukomen/ vñ sie sich zu ergeben ein ehr-
liche vrsach hetten fürzuwenden gehabt. Als aber
der Grass von Schwessa/ des Fürsten von Conde
Bruder/ vnd mit ihme ein grosser Adel weil ihr El-
sasz feindlicher weiß verhergt vñnd mit ewerm ver-
derblichen Zug vil guter gelegenheit zum handel ver-
derbt / zu euch nit leicht noch sicher kommen mögen/
ist er zum König von Navarra getretten/ In des vö
Guisa hauffen sein nit wenig gewesen / die zu euch/
wann ihr nur etwas wenig aufgericht / gefallen
werden.

Caluinische
Danckbarkeit.

Du sagst viel von der deinigen in Lottringen
eingezogen verhalten/ o wol ein böse einzogne weiß-
ein rechte frucht vñnd wirkung der oberzelten Ge-
spräch die du gehalten/ wañ nur nit noch ergers das
hinden stecket / darumben hastu den Grafen von
Honaw/ die von Straßburg/ viel vom Adel/ viel
Stätt im Elsas für feind gehalten / damit die Lot-
tringer freundlich tractiert würden / Du hast auch
deinem Preceptor Ioanni Sturmio / einem alten ge-
lerten vñnd frommen Mann nit verschont / den du
dir von wegen der angewenten freyen leer an dich
(so anderst etwas freyes an dir ist) vñnd fleiß deren
ding/ darumben er vmb das seinig kommen/ soltest
haben benohlen sein lassen. Mann schreibt vom
grossen Alexander/ als er die Statt Thebis in Gries-
chen

chenland / die sein höchster feind gewesen / eingenom-
men / hat er des hochgelerten Pindari (der schon
lengst zuvor gestorben) Behausung mit sonderm
fleiß erhalten. Du aber in einer freundsstatt (so du
anderst etwann für freundt heltst) plünderst vnd
raubest deines Preceptors (der noch im Leben / vnd
schier selbs arm) geringes vermögen / Ja sagstu
wer kan der Kriegsleut mitwillen wehren? ja frey-
lich was du in Lottringen köndt hast / das ist dir im
Elßas vnmöglich gewesen.

Stil/Stil das
euch die Driess
ankom/die Pa
piste werdens
mercken.

Lieber was habt ihr aber mit ewerm einzognen
verhalten in Lottringen gewonnen? Die Elßesser
gaben euch alles mit gutem willen / Die Luttringer
haben euch ewre Mühlen / Bachöfen / Schmitten/
vnd andere notturfft zur vnderhaltung vn Kriegs-
wesen nidergerissen / die Wasser verderbt / in euch
feindlicher weiß gefallen / vnd alles was ein feind
gegen dem andern thun kan / gethan. O wie ein
barmherziger Obrister bistu / mein Freyherz / das
du deinen feind / der dir mit hunger / Gift vnd
Schwerdt nach dem Leben stellt / alle freund-
schafft erzeigst / vnd wilt lieber dein ganz Heer
verlieren / wedet deinen feind ein wenig belei-
digen. Dann das bekennstu selbst / Ihr habt
den Franzosen / die sich gegen dem feind feind-
seliger weiß hielten / zum höchsten getröet / wo sie
mitt abliessen.

NB. Wie Got
die Calvinistē
verblendt/dass
sie ihre eigne
freund angrif-
fen/ vnd den
Papisten ver-
schonen müs-
sen.

Nemblich hastu für die Religion/ vnd für den
Künig von Navarra kriegt/ weil du nit allein der
Religion/ sonder auch des Künigs hefftigsten feind/
für einen freund gehalten vnd tractiert? Darnoch
laugnest nit/ wie ihr armut gelitten/ daß man euch
ewern notwendigen Zeng zur vnderhaltung zerris-
sissen/ vnd das Wasser vergifft/ vnd an einem an-
dern ort vermeldestu/ wie sie den Johan Buch vnd
Dommartin angriffen. Wo ist aber die Armut her-
kommen/ dan allein aus ewern verzug vnd groben
vbersehen? Ewer verzug/ ewer verzug/ sag ich noch
einmal/ nemblich dein verzug vnd deiner mitgehilff-
fen vnd Rahtgeben/ haben dem feindt/ so aller-
dings ploß/ zeit vnd weil gelassen sich zur Weer vnd
verwarung gefast zumachen/ vnd wer weiß ob nit
das auch ein Früchtel deiner gehalten Gespräch?
Das war aber ein vnuerstand/ daß ihr die treibmü-
len/ so ihr von einem ort zum andern bringen/ vnd
vmb ein gerings bekommen möcht/ mit denen ihr vil
tausenten ihr vnderhaltung schaffen mögen/ den je-
nigen die sie euch angebotten/ nit abkauft/ das ihr
nichts mit raht/ nichts nach Kriegs Gebrauch ge-
handlet/ schaw er darumb auff/ der solche Raht
schlag selb geschmidt.

So hör ich
wol/wann ihr
nur hett ge-
wölt/ so hett
müssen fort-
gehn/ wanns
schon Gott
nit hat haben
wöllent?

Segurius hat se
curius gehand-
let.

Daß du beyleiffig deren gedenckest / die lieber
in Teutschland bleiben / weder mit dir ziehen wöl-
len / das wiltu / merck ich wol / auff den Segurium
deutten / der hieran recht / vnd seinem ambt ein ge-
nügen gethan / weil er gesehen das nach raht des
Zugwers alles vberzwerch gehandelt worden
(dann

(dann es must alles nach seinem Kopff gehen) vnd
das man ohn ein Steuruder auff dem Meer schif-
fen wolt/da hat er nit darbey sein wollen/ das souil
guter Leut solten umbkomen/ oder ein solchen jam-
mer anschawen/ damit man nit gedächt/ er wer mit
dir zu raht gangen/ wann er sahe das nichts nach
ordnung vnd Beuelch seines Königs geschah/ da-
mit man nit vermeinet/ er wer treulos an seinem
König worden/ damit er auch nit etwann zu einer
vngedult von euch genöttigt würde/ hat er lieber nit
wollen bey euch sein. Vnd wann ihr dem abwesen-
den dörfst die schuld geben/ was wer beschehen/ wann
er in ewerm weidlichen Krieg mit vnd beygewesen?
Aber vnser Herz Gott hat den seiner Kirchen erhal-
ten (den ihr todt haben wolt/ wie noch) vnd wirdt
ihne noch erhalten. Er hat aber dem König seines
gutachtens rechentschafft/ mit gnugsamer aufzüh-
rung gethan/ vnd etlichen Durchleuchtigen Fürsten
zuuerstehen geben/ darob dann ehlich Leut/ zufried-
den gewesen/ vnd ihne gelobt. Also hat ihm auch
der Durchleuchtig Fürst/ Johann Casimir/ seinen
Rahtschlag den 5. Septemb. des nechst abgelauff-
nen Jars/ gefallen lassen/ auch vnder Augen gutge-
heissen. Er schenket sich auch nit/ was er hierin ge-
than oder vnderlassen/ noch hentigs tags gegen al-
len Königen/ Fürsten/ auch sonst ehlichen Leuten
weitters aufzuführen/ Wolte Gott/ du Freyherz/
hettest dich also/ wie er/ verhalten/ damit man ge-
spüret hett/ das du lieber gesehen/ das jenig was er
anfangs deines Regiments mit schmerzen vorge-

hett er doch
andere gewar-
net/ wann ers
gewust hat.

Evangelische
nöttigen zu vn-
gedult.

Tossanus hatt
ungefährlich
wol vermuet/
vnd sorg ge-
habt/ daß Ze-
zerische an-
schlag kein gut
end nemmen
würden.

Die Calminisch
Practic reitet
auff der post.

sagt / were falsch / als war gewesen / Nichts liebers
wer ihme vnd allen frommen leuten / vnd er / als der
vordristen einer / würde dir zuvorderst danck gesagt
haben. Es ist vnuonnöten / daß du vil von vngewis-
sem aufschlag / vnd wie es ergangen wer / disputie-
rest / anfangs ist es alles richtig vnd gewis gewesen /
aber wie ewer anfang vnd rathschlag gewesen / also
ist es hinaus gangen. Vñ diß alles / was aus deinem
vbersehen zu vnserm schaden verwarlost worden /
hat Doctor Tossanus vor deinem aussprechen / in
offentlicher Predig / (es sey gleich aus Göttlicher
oder Rechtlicher Weisheit) vorgesagt. Es ist vil
daran gelegen mit was vorhaben einer zu den Was-
sen greiffst / dann der Beuelchstitul kumbt mit allzeit
mit dem willen vberlein / Aber was du gesinnet ge-
wesen / das hastu vnder deinen bekanten vnd genos-
sen dich mit einmal mercken lassen / Von ewrem thun
vnd lassen / auch von des Königs von Nauarra
schreiben vnd Beuelchen / dieweil ich im Lager mit
gewesen / wil ich dir ein Schreiben fürhalten / wel-
ches dem / was mir gute leute glaubwürdig gesagt /
allerdings vberinstimbt / gleichfalls was vns der
Herz von Beaug / so vom König zu den Schweis-
hern / vnd dann zu dem Durchleuchtigen Fürsten
Johan Casimir / vnd Herrn Segurien / abgesant /
auff des Königs Beuelch angezeigt das laut also :

So baldt der König von Nauarra vernom-
men / wie das teutsche Kriegsuoelck beyeinander /
hat

hat er einem von Rupellis aus in Teutschland/ zum
Herzu von Beauchamp / der bey der musterung ge-
wesen/ geschickt / das er den Obusten Beuelsleuten
sein willen vnd meinung entdecket/ vnd ihm/ was
er der orten vermerckt/ widerumb referiret/ der kam
zu end des Monats Juligen Straßburg/ verricht
seinen Beuelch / hat der Musterung des Kriegs-
volcks vnder den Hauptleuten beygewont / als er
gesehen das der Hauff in Elsaß auffbrochen vnd
abzogen/ ist er dem König widerumb zugezogen.

Entzwischen zeucht der König von Rupellis
den 14. Augusti hinweg / das er volck aufftrieb / als
vil er könt vnd möcht/ Nachdem er etliche glückliche
Treffen mit dem Feind gethan/ ist er zu end des
Augustmonats gen Hays / so ein Stättlein nit weit
von Turon / kommen / da vermeinet er das Volck
aus Teutschland würde nunmehr auff dem Weg
sein / fertigt er den Herzu von Monglas ab / der
den Hauptleuten vnd Führern sein Rhatschlag
vnd gutachten anzeiget / vnd das sie demselbis
gen nach ihre Reiß / vnd den ganzen Zug an-
stellten vermanet/ Das aber was des Königs mei-
nung / das er dem Hauffen auff dem Borbonis-
schen Feld begegnen wollt / darumb begert er sie
solten bey nahent dem vrsprung der Liere (eines
Wassers also genannt) zuziehen / damit sie desto

leichter

leichter vberkomen möchten / welches sie leicht thun
mögen / dann der orten kein Feindt / vnd ob schon
einer vorhanden / hetten sie einem so starcken Heer
den Paß nit wehren künden. Der von Manglas
trifft den hauffen bey Creuan an / in einem Stättlin
Arfy / der orthen sich der weg etwas scheidet / der ein
dem vrsprung der Liere zu / der ander mitten nach
Francckreich / die Obriste / als sie daselbst des Königs
Beuelch empfangen / ziehen sie den mitten weg nach
Francckreich / der von Monglas zeucht mit Biß gehn
Cofne vnd Bony / erholt vnd repetirt inen des Kö-
nigs Befelch widerumb auff ein neuß / vnd im fahl
sie nit wolten zu ruck ziehen / weiset er ihnen guete
Fürt / Aber sie wenden sich auff Montargis zu / vnd
wider des Königs Rath vnd Beuelch / ja auch wi-
der gemeine vernunfft / eilen sie nach Beaug. Der
König von Navarra zeucht fort auff Monfocaw-
das an der Liere ligt / da würfft er ein Brucke vber /
vnd nimbt daselbst den Grafen von Swesson / des
Prinzen von Conde Brudern / der auß Normandey
vnd Beaug den mehrer theil Adels führet / mit sich.
Hernach als er vom Teutschen Zug / wo der steckt /
nichts gewiß haben kundt / fiel ime ein / er wurde
nach Francckreich gezogen sein / schickt inen den Her-
ren von Morlay entgegen / der sie mit einem Gott-
willkom empfieng in Francckreich / vnd inen / sambt
den Kirchen inn Francckreich glückt zue wünschet /
beyneben auch vermanet daß sie guter ding wä-
ren / vnd ein frisch hertz hetten (die Vögel wärn bald
gebratten) Er wolt sie mit freyden empfangen / zc.

Sie haben sich
in dem Obri-
sten Züner irer
vernunfft ver-
stiegen.

Der Calvinisch
Gottwillkom
ist inen nit wol
bekomen.

Man hat ins
gesegnet.

Aber

Aber der von Marlay hett ein entsetzen ab dem bes-
schwerlichen weg / hat weder des Königs schreiben
geantwort / noch den Beuelch außgericht / doch hat
ers von Paris auß (von danen gleichwol der lengst-
aber sicherest weg) bey einem gewissen Mann / zus-
geschickt / vnd ist gewiß / daß sie geantwort vnd ver-
lesen worden. Als der Monglas dahin / damit der
König bey dem verharret / begibt er sich auff den
weg / da er am nechsten zum teutschen Hauffen / wie
er ihnen mehrmals entpotten / zukommen vermeint. *Es wil nir-*
Aber sein Raht gieng ihm in vil weg zuruck / *Dann gents hotten.*
als die Feind bedachten / wie starck der Hauff wur-
de / wann beyde Heer zusammen stossen solten / ha-
ben sie vermeint in allweg darvor zu sein / Derhal-
ben sie zwen vnder schidliche Hauffen vber die Liere-
an gelegne ort gelegert / den einen zu Gian / den an-
dern zu Monteraw / Zu disen haben sie noch den drit-
ten gethan / welchen der Herzog von Joyeuse ge-
fürt / der solte dem König von Navarra nachsetzen /
vnd ihne wann er fort wolt / zur Schlacht dringen
wie er kont vnd möcht. Als der König gesehen / das
ihme der groß verzug an seinem vorhaben nachthei-
lig sein würde / vnd ihme des Herzogen von Joyeuse
volck auff dem Hals gewesen / ist er lang in zweiffel
gestanden / wie der sachen zuthun were / dann da
muß man entweders weichen / oder schlagen / zuwei-
chen / wolt gemeinem wesen verzüglich / vnd hoch-
shedlich / schlagen aber vermessenlich sein / dann ob
schon der Herzog von Joyeuse geschlagen / so war
wenig außgericht / dieweil noch die vbrige zwen
K Hauffen /

Hauffen / so stercker weder des Königs Volck / vor
handen / Solt aber der König von Navarra mit
zweyen andern Fürsten von Königlichem Geblüt
so bey ihme gewesen / erlegt sein worden / so weren
auch die theil geschlagen / vnnnd souil Menschlich zu
erachten / der ganz handel verderbt gewesen. Vnd
dieweil des Feinds Hilff so nahent / kundt man der
verstendigen raht nach / ein solch hochwichtig thun /
dem Glück nit auff einmal vertrauen. Das aber der
teutsche Hauff so des Feinds zweyen Hauffen vber
legen / wol vber die Liere kundt / war wol zuermu
ten / vnd wo das beschehe / würd es auff des Königs
von Navarra seitten alles besser / vnnnd des Feinds
sachen erger werden. Als aber der König des von
Joyeuse gewalt ein weil gewichen / vnnnd ihme der
verzug beschwerlich gewesen / vnnnd groß verlangen
hett den teutschen Hauffen zuentpfahen / vnd erfarn
das dem von Joyeuse noch mehr Volcks aus Aquit
ania durch den Marschalck von Mattingnon zuge
füert ward / hat er ihme den Weg mit gewalt öffnen
wöllen. Derhalben er den 10. Octobris mit dem
Herzog von Joyeuse zuschlagen kommen / welches
schier vnglaublich wol von statten gangen.

Warum hab
ih: mit ein theil
dem Caluini
schen Gott ver
traut.

Schier geht
hin.

Damit aber das teutsche Heer solcher Victori
ein wissenschaft entpfeng / schickt er den Herren von
Cheuroches zu ihnen / welcher zum Hauffen nit ges
langen mögen / sonder schreibt dem König bey einem
gewissen vnd vertrauten Mann zu / Das hat auch
der Herz von Bvrte / Supplication Secretari / g
than

than der nach beschenē Sieg zum König in Franckreich geschickt ward / eben derselbig hat auch des Königs von Navarra schreiben / fast gleiches lauts / den Hauptleuten des teutschen Volcks / von Königlichem Hoff aus Franckreich / durch gute Freund zugeschickt / welche auch beyde geantwort worden.

In der weil richt sich der König auff die Reise / vnd erfrischet sein Volck / welches von langem reisen vnd ettlicher Monat lang stättigem scharmitzlen matt vnd müed worden / last die zerbrochne vnd lang abgenützte Waassen widerumb ernewern / die müde oder verwunte Pferd lest er wol halten / ersetzt den abgang der erschlagenen Kriegsleut / deren ein grosse anzal gewesen / seine Land vnd Leut / die er von so weitten enden verlassen müssen / in denen sich in abwesen / wegen Spanischer Nachbarschaft leichtlich etwas vnd mit wenig erregen möcht / vnd albereit vom eingriff zeitung kam bracht er zuuergleichung.

Dise grosse anzal gibt zuuerstehn / das es euch schier vnglaublich wol gelungen.

Als er disem thun obligt / kombt ihme Zeitung / wie das teutsche Kriegsvolck sich von dem Weg vnd Strassen / durch welche sie gerichtts zum König kommen möchten / auff ein andern vnd vngereumb / wider alle seine des Königes Gedancken /

Gott hat euch die Pippē vingeriehen / vnd ewer Witz ist ausgerunnen.

Die Schweizer so vom alten gläubē abgefallen / habē jetzt billich dē Calvinisch fallenden Siechtage.

vnd außtruckliche Befelch : Ja wider gmeines wessens nutzen / begeben vnd sich an die aller gefährlichste ort / auch mitten vnder die Feindt eingelassen / ohne alle vermeldung der vsachen vnd Bedencken solches Zugs / Derwegen schickt er Hauptmann Bas mit allem fleiß zu ihnen / darnach den Herren von Senneton / vñ zum dritten den Herrn von Essarsch / welche alle drey frisch vnd gesund zum Hauffen kommen. Der König blieb des vorhabens / sie wären wo sie immer wollen / so wolt er zu ihnen hindurch trucken / in dem kumpt ime eillende vnd vnerwartete böse zeitung zu / die Schweizer wären von den Teutschen abgefallen / vnd hetten sich mit dem König von Franckreich / ohn alle vorgehende klag / oder anzeigung einicher vsachen des abfals / in verdrag eingelassen. Nun zweiffelt der König / was sich die Teutschen auff solchen mercklichen abfahl Berathen / oder anfahren wurden / Damit er sie dann Bestettiget / vnd inen sein gemüt ferners erkläret / hat er beide Herrn / den von Monglas / vnd den von Marey / auff abgesinderte Weg / zu inen geschickt / die solten inen des Königs hoffnung / die er auff Beständigkeit setzet vermelden / vnd zusagen / der König wolt ihme nichts lassen zuschwer sein / damit er zu ihnen gelangen / vnd sich gegen inen vmb ihr Beständigkeit willen / Bedancken / vnd danckbarlich erzeigen kündt.

Ich will an jetzo des gmeinen Gesinds / die stätigtig zum Hauffen geschickt worden / geschweigen / Das ander sein alles ansehenliche Herren vnd vom Adel

Adel gewesen / die bey dem König von Navarra wol
daran / Weil aber die vorbenante zwen auff dem
weg / wird dem König zu wissen gemacht / das auch
sie die Teutschen sambt iren beyuerwandten Fran-
zosen / mit dem König von Franckreich / mit weni-
gers als die Schweizer verglichen / vnd iren Weg
widerumb nach haimet genommen /c.

Nun komb ich widerumb an dein außgangen
Purgation Schrifft.

Nich verwundert / was du doch so offte an-
zeuchst / der König von Navarra sey nit zu euch kom-
mē als wañ dir vnbekant wär / was jederman weiß /
Umblich daß er mit etlich wenig tausent / weil er
den Feindt eintweders hinder im / oder an der seiten
gehabt / weil du vmbschwiffest / vnd dein Feindt
dene dir Befolhenen Kriegß hauffen inn die Händt
gibst / Mannlich vnd glücklich gestritten. Aber das
oberzehlt wirdt ehlichen Leuthen gnug sein / Eins
muß ich noch darzu thuen: Wie du zu hilff Berüest /
vnd des wegen Gelt eingenommen / vnd / wie du
selbst Bekennest / sey die Bezahlung richtiger vnd größ-
ser gewesen weder hienor bey den Hugenotten (wie
du sie auch nennest) nie Beschehen / Darumb soltestu
in gefahr zu hilff kommen sein / damit die Königliche
Bezahlung nit vmb sonst abgieng / du hast aber nit
helffen können / du wärest dann wie ein starcker zum
Krancken komen.

Es ist ein alter
brauch dz Got
seine Feindt dē
wahren Israe-
littē in ire hēdt
gibt.

Merck wie die
Hugenottē ein
andern selbstn
spotten.

Das ist mir warlich ein news / daß der so in höch-
sten nöthen steckt / vnd eines andern hilff vmb Gelt
Bestellt / seinem Helffer muß zu hilff kommen / vnd

Das hind her
für ist gut Cal-
uimisch.

der Kriegsherz seinem besoldten nachgehen. Du sagst der Feind sey nahent herbey gewesen / Es ist gut: Da wuchs grosse Ehr / Man gab dir zeit vnd weil / in deren du deine Tugent erzeigen möchtest. Du soltest gestritten / vnd den weg mit dem Schwert geöffnet haben / Freyherr / dan du warest dem feind wann du es nur wissen woltest / starck genug.

Unser Herz hat euch mit Hasenwilpret verert / jr solts erkennen.

Hast aber / du grosser Obrister / dir mit einem solchen Heer hindurch zutrucken / mit getrawt / Was begerstu / das der König von Navarra / als ein neuer angehender Kriegsman mit einem kleinẽ völklein mitten durch die Feind / welche du nit hast ansehen dörfen / rumplen solle? Wann du dich aber diser Hilff mit redlichem vnd beständigem Gemüt vnderwunden / so hettestu leicht hindurch / vnd dem widerstehenden Feind obligen können.

Ist doch Herz Fabian gesunden heimkommen als Herzog Wolffgang. Der hochlöblich Fürst / Pfaltzgraff Wolffgang hat sich anderst mit den Französischen Kirchen verhalten / Dann er hat vil weniger Völk gehabt / ist mit einem wildern vnd sterckern Feind vmbbringt gewesen / vnd hat sich dannoch / auch zur aller vnbequemsten Zeit / hindurch geschlagen. Er hat die Statt Charitte / an der Lier / eingenommen / ist zu innerst in Franckreich hinnein getrunnen.

Lieber erplichstu nit / wann du den Namen Castillons

Castillons nennest oder hörest? Aber es ist kein redliche Scham bey dir / Du bekennst das er mit wenig Volck mitten aus Occitania in Lottringen vnd von dannen widerumb zum König kommen / Item das er auch im widerzug dreymal geschlagen / vnd dreymal obgelegen / Aber lieber Gott / wie ist ein Mann vber den andern? Es ist ein grosser vnderscheid zwischen Castillon vnd Fabian.

Ist er doch wol so gut Calvinisch als du.

Dannenher bleibt Herzog Wolffgangen sein lob auch nach seinem Todt / dem Castillon aber das seinig / noch in seinem leben / so dir herentgegen bey den nachkommenden höchste schand vnd laster volgt / vnd hast dir in deinem leben gleich wol ein Namen / aber mit vnehr / gemacht / welche dir weder der Rhein / noch die Donaw / noch das kleine Wasser (so du geschihen) die Liere / auswaschen werden.

Wer Euangelisch ist / der bedarff keines waschens / sonder ist gang rein.

Aber da merck / wie das einem Kriegsmann so wol anstehet / das du dich so ansehenlich vnd manlich beklagst / das man dir nicht allzeit gute wol kochte Richtlen fürgesetzt / das du mit in allen Bergen gute weiche Bett gefunden / das du zu nechst beim Feind gelegen. Da lerne Freyherz wiltu ein Kriegsmann sein (dann souil ich spur / so gehet dir noch vil am Namen ab) lern Hunger leiden / vnd die kost verdewen / lern Wind vnd Regen zgedulden / lern im Stro vnd vngedulzten winckeln liegen / lern in vnfall vnd schrecken vmerzagt sein / lerne den Feind vnder Augen anschawen / ihme zusetzen vnd schlagen.

Er hats beim Euangelio also gelernt / vnd gewont.

Du

Sie waren a=
ber Papisten/
vnd mit Calui=
nisten.

Er hat der
Krafft des E=
uangeliums
vnd dem star=
cke Gebet der
Predicanten
drumb vertra=
uet.

Du kumbst mir vnder den beherzten vnd manli-
chen Obristen gleich am ersten für/ der die vrsach vñ
materi deiner eignen Ehin vnd rhums fleuchst/ vnd
ist die Sach mit dir beschaffen/ wie jener Poet sagt:
Solcher leut Kinder haben das Meer nit mit des
Feinds Bluet geferbt / Sie haben weder den P
rhum/ noch den grossen Antiochum/ noch den wilden
Hannibal geschlagen / &c. Deine Vorelter waren
anderst gesinnet / die wider den vnglaubigen Feind
für die Chriftliche Religion / auch inn den fernsten
Landen / gestritten / welche das Land Preussen ein-
genommen / vnd von vnglaubigen außgeraumbt / wel-
che die Littauer vnd Tartern / so der Chriſten Gre-
nizen angefallen / zum Teuffel geschlagen. Du bist
in Franckreich nit zum pancketiern / wolleben vñnd
weiche Federpetlein / sonder zum Krieg vñnd bluti-
geschlachten berufft. Doch wissen wir wol / als du
immermaln zum Herzog von Bullion geladen / das
du ihme seine grobe Speiß verhebt / vnd deine gute
bißlen gelobt / deine gute wolgeschmackte Wein ge-
rumbt / vnd wie man dir die beste Fisch von weitem
Meer herbring.

Ist aber vñlleicht im einfuriern / vñnd aufthei-
lung der Zimmer von einem oder dem andern etwa
gefällt worden / warumb hastu nit zuuor (wie dann
gute vnd Kriegserfahne Leut bey dir angehalten /
vnd dir wegweiß geben) ein Kriegsraht versamlet /
damit die nachlessige entweder ires Beuelchs ver-
manet / gestrafft oder im fall ihres verbrechens wa-
ren geurlaubt worden. Aber dem ist also / wie ich
vorge-

vorgesagt / vnnnd jederman weiß / daß vnder deinem Regiment nichts mit racht / oder nach Kriegs Gebrauch gehalten worden / du hast das Schiff gleich gehen lassen / wo es das Wasser vnnnd Wind hingetrieben. Aber ich gehe weiter / weder ich mir fürgenomen / vnnnd sihe daß aus einem Brieff schier ein Buch werden wil / doch muß ich das vbrig noch volents vberlauffen.

Das ist aus
großem Glau
ben gschehen/
vnd wo so rei
ner Glaub ist/
da kans nit fe
len.

Du gibst für des Castillons Zukunfft hab etlichen Franzosen mißfallen / Ich merck wol / welche du meinst / was ist es aber mehr ? Wann du meinst / vnser Leut sein Glas schön / von Ehrgeiz / Neid vnd anderer bösen neigung frey / so bistu nit recht daran / mein Freyherz / Aber laß dirs gnug sein / daß er dem Herzog von Bullion willkomm / vnnnd andern ehlichen Leuten angenem gewesen.

Politischer
weiß zureden/
sonst sein sie
gut Euange
lisch.

Daß sich deine Kriegslent vom Herzogen von Lottringen mit haben verführen lassen / das lob ich / vnnnd erkenn darbey die Warzeichen der alten Teutschen Redligkeit / welche vil in disem Zug vor Augen gehabt / wann sie das vor dir vnnnd deinem Vnderhemmet dem Zugwern / hetten thun dörfen.

Der Glaub
hat viel hierzu
geholfen / wel
chen die alten
Teutschen nit
so rein vnnnd
krefstig gehabt
haben. scilicet.

Das glaub ich auch wol / daß du begert / man sol offtermals zum König von Navarra schicken / das weiß ich aber auch wol / daß du oft Schreiben vom König entpfangen / wie auch aus oberzeltem zuuernemen. Ob du aber den teutschen Hauptleuten solche nit vndergeschlagen / weiß ich nit. Wer der Bakla ist / den du nennest / weiß ich nit. Die hoffnung / so ihz von des Königs zukunfft gehabt / wie

die wider alle billigkeit vñnd gemeinen lauff gewes
sen/hab ich oben ausgefürt.

Von Monglas mus ich noch das sagen / das
man durch gefehliche weg vñnd steg grosse pagger
schreiben sicherlich nit fort bringen können / dan einen
Man / der dir vñnd den deinigen wolbekant / der an
des Königs statt / in einem Jar zweymal bey euch in
Teutschland gewesen / was ein einig Credenzschrei
ben vom König genug.

Ists nit war/
so seys erlogen
16,

Schaw das
war sey / oder
ich pfeiff.

Was du von vñngelegenheit vñ beschweruñß des
widerzugs an der Liere sagst / ist nichts / dann der
Monglas ist an dem ort zu euch komen / da ihr leicht
lich nit zuruck / sonder fort dem König / seinem beger
ren nach / zuziehen mögen / vñnd da euch dasselbig nit
gelegen / hat er euch gute furt / da man auch mit
Baurnwägen durchgefahñ gezeigt / ich hab selb et
liche deiner Reutter ienthalb der Liere auff der füt
terung angetroffen. So ist der König von Franck
reich so starck nit gewesen / das er deinem Volck den
durchzug hat weren mögen / sonder es ist schon an
dem gestanden / wann ihr nur dapffer fortgeruckt /
das er albereit die flucht geben wollen / vñnd auff ein
frieden anzustellen gedacht. Als aber der Monglas
sein Beuelch im Khat fürgebracht / vñnd wo ihr den
fürgeschlagenen weg vñnd durchzug nit vor die handt
nemet / protestiert / darauff dein Haugwer herlich
geantwort / der Hauff werde weder am fürgezeig
ten ort durch / oder dem vrsprung des Wassers zu
zie

ziehen/ sondern iren weg dahin nemē/ wo sie sich erfrischen vñ erquickē möchten/ so lang/ bis der König von Navarra zu ihnen kem/ Ich mein/ ihr habt es wol geschafft. Erfrischen hies das Heer mitten vnder die Feind/ zwischen zwey der Feind Lager/ zwischen zwey die aller Feindseligste vñ auffsetzigste Stätt/ nemlich Paris vñ Orlens/ für den orten vñ vñ nichts anders als feind/ feind/ gewesen. Was diser rathschlag für ein erbarmlichen außgang gehabt/ das haben wir vor andern am beschwerlichsten empfunden/ vñ du Zugwer/ wirst dessen Gott das du seine Kirchen dem Antichrist verraten/ den armen Christen in Franckreich/ das du ire Gewissen auff Leib vñ Leben den Tyrannen vbergeben: vñ das du vnser hab vñ gut dem Feind dargestellt: vilen guten ehrlichen Leuten/ die jr erbärmlich vmb Leib vñ Leben gebracht: dem gantzen Franckreich vñ Teutschland / ja allen Christen / die ihr in die höchste / vñ schier eusserste not gestürzt / rechen schafft geben müssen/ du wirst auch/ meins erachtens nit laugnen / als der Herzog von Bullion von S. Amand / mit allen Französischen Rāthen zu dir in das Stättle Neufuy/ schier vmb Gottes willen zu bitten vñ wo immer möglich/ zuerbitten/ gezogen/ du soltest die grosse gelegenheit vber das Wasser zukommen / nit versaumen/ die Schweizer sein auch bereit gewesen/ vñ haben den durchzug ernstlich begert/ wie sie dir dann verweisen / Ir aber habt was anders im Sinn gehabt / vñ euch langest

Das rein Euan gelium vñ starcker Glaub fürcht ime nit mitten vnder den Feinden.

So hör ich wol der Antichrist hat ewrē Christum in Sack geschoben?

fürgenommen / ihr wöllet euch weder mit Feind schlagen / noch zum König kommen.

Sie sagstu / Gott wolt der König von Navarra wer von so notwendiger Reif zu vns / mit abgehalten worden / zc. Was ihne zuruck gebracht / ja vil mehr verhindert / das weistu / der Feind / so zu starck gewesen / ist im am weg gestanden / da du wol hettest mögen durchkommen / wann du ein Mannshertz gehabt / ja wann du dich nur / wie ein Man gestelt hettest. Du hast aber das wenigst mit angriffen / da sich herentgegen der Mannlich König / damit er zu euch keme / in höchste gefahr begeben / hat sich in zweiffelhaffte Schlachten eingelassen / damit er ihne den weg zu euch öffnet / den ihr / ohne einichs Menschen widerstand / geflohen / so doch du von ihme / vnd er nit von dir Besoldung gehabt. Aber was du wünschst / ist eben souil / als woltestu sprechen : Gott wolt / das der König von Navarra / weil wir müessiggangē / auch die mühe des schlagē vñ reifens geflohen / mit wie schlechtem volck es jmer gewesen wer / den Feind an vier orten geschlagen / durch souil land der Feind gezogen / durch die Lier geschwenit / vnd zu vns mit Silber vnd Gold wol beladen kommen wer / vñd hett vns volligen Sold außgezalt / auch mit herzlichen schändungen wol begabt / heim geschickt. Wolt Gott / freyher / es wer also beschehen / vnd ich wolt euch vmb solch Glück mit neiden / vnd wolt dem guten König ein solche Ehr wol vergunnen. Aber witziger Leut wunsch geht nit auff vnmüglich ding / Ein Narr wünsch was nit gsein kan /

Wolte Gott /
das ihr ewre
Gottsesterliche
Ketzerrey /
vnd so offentliche
strafferten
net vnd Gott
die Ehr gebt.

kan / vnd so der König von Navarra solches het
leisten können / so het er ewer Hilff nit bedürfft / das
rumb wil ich anderst wünschē: Wolt Gott es het
Herrn Fabian / vnd seinem geheimen Raht Hugz
wern gefallen den Feind Christlichs Namens zu
schlagen vber die Lier kommen / vnd hetten sich zum
König von Navarra dem sie geschworn / versügt vñ
Francreich den Feinden / Teutschland vnd ganzer
Christenheit jr sicherheit widerum zugestellt: Wolt
Gott wolt Gott / wir hetten frieden / vnd du hettest
ein grossen Namen darvon gebracht / aber es hat dir
nit also gefallen / dan das deine Fierer vnd Haupt /
leut vil anderst / weder du gesinnet gewesen / das ha
ben die erschlagne / mit denen wir ein mitleiden / vnd
sie in heiliger gedechtnus haben / bezeugt / vnd die
noch leben sagens auch.

Was die Schweizer betrifft / ist mir leyd dz du jr
stercke nit in der erst / weil sie noch frisch vñ wolauff
gewesen / versuchen hast wollen. Mir ist leyd / weil
dein Fußvolck mit höchstem lust gern durch die Lier
gezogen / dz du ihnen auch zu Kopf vnangesehen des
von Bullion bitt vñ des Königs Beuelch nit nach
gewöllt hast. Das sie aber die jenige so es verschuld
mit ernst gestrafft / hierin haben sie jrer vorelter Ges
brauch gehalten / wann du dich vor disen Richtern
hettest verthedingen müssen / so werestu nit so lieb vñ
angenen widerumb heimkommen / du würdest auch
an jergo nit so vnerschambt jubiliren / vnd ehliche
leut schmelich angreifen. Aber die kleine Dieb henckt
man (dem sprichwort nach) gegē den grossen zeucht
man den Hut ab.

Jhr döfft inē
kein requiem
singen / dan in
der Hell ist kein
Erlösung.

Herr Fabian
ein grosser
Dieb

Evangelische
Biswerck.

Nun kumm ich zu den zweyen nächlichen
angriffen / die der Feind in dein Leger gethan / der
ein ist dir also hin gerattē / dessen hastu aber kein lob
mit / dann der Feind hat dich am fressen vnd sauffen
erwischt / vnd ain grosse anzal der Sackenschützen
waren schon im dorff / ehe du vom Tisch bist aufge-
standen / die hetten dich noch im Schlastrunck / weil
du die grosse gleser außlärtest / vberfallen wan deine
leut nit vom schiessen wären auf erwacht. Der an-
der angriff ist wol etwas groß gewesen / aber dein
schuld was noch grösser / dan als dich der Herzog
von Bulliō gewarnet / hastu dich so gar nit fürsehē /
das du auch seiner darzu gespott / vñ Hugwer schrib
in deinē Namē: Man mache vil vergeblicher forcht /
er solle sich fortan solcher Pottschafft enthalten.

Wann der E-
vangelisch Ey-
fer nichts thū
wil / so muß
man die Leut
mit Gelt auff-
muntern.

Eben vñ der vsach willen ist der Edel Herz vñ
Lorbigni (der etlich hundert Kronen mit sich ge-
pracht / dich darmit aufzumuntern) zu dir geschickt
worden / den hastu veracht / die Franzosen so bey dir
wachen wolten / hastu abgeschafft / also hat dich der
feind also sicher / als wan du mitten im Teutschland
wärest / vberfallē / wolt Gott es hett dich nur allein /
vnd nit souil guter leut so durch dein verwarlung
vmbkommen / getroffen. Ain Obrister hat ein grosse
Bürdt auff ihm / er muß vber alle / vnd für alle sorg
tragen / auff sein sorg verlassen sich die andern alle / er
fürcht den Feind von ferem / nach schönem Himmel
volgt bald ein Regen. Du aber hast den Feind nit
allein in der nähet / sonder auch im Flecken / issest vñ
schlaffest dannoch one sorgen. Nit also hat gethan
iener

Jener Schiffregent / von dem der Poet sagt : Der zu
mitternacht auffgestandē / alle Wind vermerckt / vñ
das Gestirn beschawt / 2c. Dein sicherheit Freyherz /
hat dich vmb dein Ehr / vnd andere gute Leut vmb
Leib vnd Gut gebracht.

Die seelen sein
im Caluinische
Himmel.

Jetzt ist der Feind auff dem Hals / was fleuchstu
vñ zannest wie ein Weib? warumb schlechstu nit
darein wiltu dich nit halten wie ein Obrister so thue
doch wie ein Kriegsman. Aber du hast an den
spruch Euripidis gedacht : Er hat ein weisen Man /
der ihm selbst nit weiß ist. Aber du springst vber die
Maur / das sonst verbotten / vñ schawest deiner
Schantz / vermeinest / der fleucht / mag widerumb
drein schlagen / wer leit der leit / wer reit der reit / vñ
nit vnbillich / dann solte Teutschland ein solchen O-
bristen verlor haben / würden sie im fall keinen mehr
wider den Türcken zugebrauchen haben / Vnd wan
sich der König von Hispania etwas wider Teutsch-
land (das Gott verhüt) solt vnderstehen / so bistu
schon gefast / seinem Kriegs Obristen / dem Hertzog
von Parma ein beystand zu thun. Aber die so durch
dein schuld erschlagen / vnd die so noch im leben ver-
weisen dir dein verhalte. So viel dapfferer Kriegs-
leut vnd so viel strenger vom Adel sein todt / vnd du
schendlicher lebst noch? Du soltest ehe den Hals
drum geben haben / weder also hindurch zuwischē /
dann was ist dir dein Leben anderst denn ein ent-
pfindlicher tod? Darauff ist geuolgt der Schweizer
abfall / vnd der andern erbermliche flucht / vñ leglich
der schentlich (vñ herber als der tod selb) hindergäg
mit

Der Predicanten
Gbett hat
dermassen ge-
würckt / das
Herz Fabian
vber die Maur
ausgesprunge.

Das ist ein
Caluinischer
Danck dir
Gott.

mit dem Feind / so von dir hinderrucks des Königs /
beschehen / Also auch des von Castillon manlicher
vnd in ewigkeit löblicher durchtruck mittē durch die
Feind. Welcher dir den Hals bricht / dann er hat dir
zum andern mal gezeigt / wie leichtlich du wo du nur
gewölt / oder vor deinem Hugwern gedörfft / zum
König vom Navarra hettest kommen mögen /
hettestus diß Orhts dem grossen Alexander / o
der Keyser Julio mit herlichen sieghafften thaten
mit nachthun können / so soltestu doch des Xenophons
tis (den du freylich gelesen / dann ich hör du seist in
den Historien vnd sprachen zimlich erfahm) lob vnd
rhum nachgesetzt haben / welcher / als König Cyrus
ymbkommen / ein kleinen hauffen seiner Griechen / in
Zug etlicher Monat lang durch die aller feindlichste
vnd wildeste Völcker / aus dem innersten Asia / ganz
widerumb heim gebracht. Ja du soltest dich auff
wenigst mit dem von Castillon deinem Herrn / dem
König vil mehr / weder den Leuten zu einem schaw
spiel vnd fluch / dargestellt haben / Aber da hat dir
nichts / was einem manlichen vnd redlichen Man
zusteht / gefallen / sonder gleich wie du dort / dein vn
geschicklichkeit / vnd Kriegs vnwissenheit erzeigt / al
so hastu hie dein vnuerschambte Grobheit vnd dein
Oberstmessig Angesicht wöllen sehen lassen. Du
Freyher / soltest in Swilich vnd Aschen bues thun /
vnd auff wenigst mit demütigstem vnd zerknirsch
ten Herzen ein reu vnd leyd / nach souil begangnen
irthumben / vnd selstücken / erzeigen.

Das wer Pa
pistisch.

Aber

Aber ich vernimb das du noch brächtlich vnd
auffgeblasen für gibst / du seiest daher auff freyen
feilen Marckt kommen / vnd so einer anderst von
dir / als von einem ehrlichen Mann hielt / oder redet /
der solle zu dir kommen / du seyest bereit ihme red vñ
antwort zugeben. Fürwar / Freyher / du bist ver-
zweiffelter weiß vnuerschambt / der du nit allein her-
für treten / sonder dich auch berüemen darffst.

Aber du irrest weit / wan du vermeinst / es hal-
te jemand / der sey so gering als er immer wölle / auff
dich kein ehrlicher Mann / der dich kent / helt dich für
ein lebendigen Menschen / so lang vnd viel / bis du
dem König von Navarra deines gepflegnē Ampts /
thuus vnd lassens rechenschafft thust / In dessen
diensten bistu gewesen / dem warestu mit Eydess-
pflicht zugethan / vmb das seinig ist es jetzo zu thun /
du must vor mit ihm abkommen / So werden als
dann ehrlich leut sehen / was sie auff dich halten sol-
len. Das ich aber ettlich stund mit disem gegenwer-
tigen schreiben hab zugebracht / das darffstu nit dir
zumessen / sonder deinem bösen Gerücht / dan du wa-
rest mir nit gut genug darzu / das ich aber einmal
zum end gelang / so wil ich den ganzen handel mit
wenigem beschliessen.

Das Lager an ein recht ort schlagen Prouiant
zuroegen bringen / zeit zum schlagen fürnemen / das
Heer in ordnung stellen / mit hinderhalt verwaren /
den Feind zum schlagen nöttigen / vnd herentgegen
zum schlagen nit getrungen werde / wan du dise stuck
kunt hettest / Nemlich Kriegs zucht / Kühheit in der

Da gibt mann
Herrn Fabian
die Flählang.

not / rathschlagen in der gefahr nach gestalt der sachen / hettestu dich deiner gelegenheit vnd vorthails gebraucht / dem feind deren keins gelassen / hettestu so wol des feinds / als dein eigensach / erkannt / hettestu weg vnd steg erkündiget / werest des feinds anschlägen entweders vorkomen / oder entwichen / hettest dir schlaffen vnd wachen also lassen angelegen sein / dz du nach beschenen oder versicherten dingen hettest rasten können / hettestu dein essen vnd drincken der Natur vnd mit dem wollust nach gericht / wann du der erst in der Schlacht gewesen vnd der letst darnon / so hettestu mit souil guter Leut verfür / vnd vmb Leib vnd leben gebracht / vnd dein Gerücht würde seiner gebürlichen ordnung nach leben vnd sterben / würdest dem lob vnd preis der hienorigen Obristen so vnser volck gefürt nachgeuolgt vnd den Nachkommen zu gleichen Ehm vnd Würden ein Exempel geben haben / aber das widerspilhastu in alle gethan / Dich hat vberfallen das vbel bekommen / vbelgerungē / vñ vbelbehalten Regiment / das deine Rathschlag vnd Buechel haben müssen fortgehn / verachten vnd wider veracht werden / alles vberreilen vnd bestürzen / ist bey dir gewesen /
Dis alles hab ich in eil auff dein außschreiben antworten wollen / das vbrig las ich dir die jenige / so darbey gewesen / stuckweiß auslegen. Hettestu aber dein Schriffte im anfnag der Mes lassen außgehen / wolt ich etlichs noch weitleistiger vnd außfärlicher tractirt haben. Aber du gehest wiziger mit dein Schreiben als mit deinem andern thun vmb / hast auff

Er mag wol
mit disem also
vergut memē.

auff ein list zu end der Mess lassen auß gehen/ damit
man so bald darauff nit antworten könt/ in der weil
zogen die Lent dein Libell in henden vmb/ vnd fa-
stens zugemüet/ also das du verhofftest/ sie würdents
ihnen so bald nit widernemen lassen. Ich zwar hab
mich diß schreibens bey dir nit versehen/ dan ich hab
gewußt/ dz du vñ die deinige von einē wolgeborenen
manlichen vnd hochuerstendigen Herrn/ vnd dem
von des Königs von Navarra Gesanten/ der new-
lich bey euch gewesen/ zum höchsten begert/ sie woltē
bey dem Herrn Segurio souil handeln / dz dergleis-
chen nichts geschriben würde/ sie wolten jres theils
nichts daraus machen.

Als man dich selb zu deiner Heimkunfft gefragt/
was doch die ursach diß jammers wär / hastu dem
Vnglück die schuld geben/ vnd das Göttlich vrtheil ^{NB. Gottes} _{urteil}
erkennt/ beyneben auch vermeldt/ du seist nit bey dir
selb gewesen/ daß du/ wie ein blinder/ irgangen/ vñ
wann der Feind weit von dir gewesen/ habestu
gleich in toller weiß anderst nit vermeint/ wann der
Feind weit von dir/ er sey am nechsten darbey / vnd
vnd wann er dir auff dem hals gewesen/ er sey noch
weit von danen. Damals hastu weder vom Herzog-
gen von Bullion/ weder von Franzosen/ noch vom
Segurio einiche meldung gethan.

Was ist dich dann fur ein zorn ankommen/ daß ^{Lieber w3 fra}
du die jenige/ welche du mit deinem Regiment in ^{gstu: Kan euch}
Gott also ver-
grund verderbt/ noch vber dz mit vnwarheit an jre ^{blenden das je}
Lhen angreifen sollest: Wärestu deinem Beuelch ^{vberal so vngs}
reimbt vnd wi
vnd

dersinnig ge- vnd Ambt recht/ vnd wie sich gebürt vorgestanden/
handlet/ wa- so bedörfft es keines schreibens mit/ jetzt greiffstu von
rum sol er euch der Weer zur federn/ vnd weil du die Feind mit hast
mit verblenden können/ das jr hawen oder schlagen können so greiffstu die Freund
können/ das jr mit heimischen stichen an. ^a Vnder den altē Teutschē
erwer eigene kunt der weniger theil schreiben vnd lesen / hoch
schand vor al- Berg ersteigen / vber grosse Wasser schwimmen
ler Welt selber Hunger vnd Durst leiden/ Tag vnd Nacht wachen
entdecken vnd den Feind angreifen/ schlagen/ vnd vberwinden
ausschreiē müs- kuntent sie wol / Ja man findt ihr noch die diß alles
set. leisten können / aber sie müssen ein andern Obristen
^a Das new E- haben/ als dich. Du wirst dein lob vnd Gefeier/ das
uangelium le- du mit vbelthun verlorn / mit vbelreden nimmer
rets jederman. mehr bekommen.

Der allmechtig Gott wölle widerumb gut ma-
chen/ was du verderbt hast/ vnd die Frantzösischen
Wiewol vns mit vnberuust/ Kirchen / so an jezo die greulich verfolgung trücket/
das Gott sein Kirchen / durch erlösen / vnd die teutsche auch andere Kirchen / so
Kirche/ durch erlösen / vnd die teutsche auch andere Kirchen / so
Keger vñ Ke- noch in ruhe sein / gnediglich erhalten / vnd die von
gerische Tyran- fehrem kommende gefahr abwenden / durch Jesum
ney/ als mit ei- Christum seinen Sohn / Amen.
ner grausamen
Kutten / vmb

der sünd willen strafft/ so ist euch doch so wenig rümllich/ noch nützlich/ das ihr
ein Gottes Rutt vnd Geisl Gottes genent werdt/ vnd seid entlich in das feur
gehörig / als wenig der Kirchen Gottes schädlich ist / daß sie von irem Gott
heimgesucht/ gestrafft/ vnd zu irem Heil getrieben werde. Wöllen vnd sollen
also wir Kinder bleiben/ vnd euch Kutten vnd Geislen sein lassen/ so lang vnd
wie es Gott gefellig/ vnd vnser sünden verdienē. Jedoch aber kündt jr mit laug
nen/ was jr selbst erfahren/ vñ in ewerm Busen darvon getragē/ das wenn Gott
jederzeit nach ewrem Wunsch vnd mutwillen handeln/ oder verhängen wolt/
so hett er euch wol diß vnd andere mal mit so wunderbarlich vnd öffentlich
zuschanden gemacht / wil geschweigen das er erst widerumb gut machen soll/
was ihr verderbt habt. Was wölt ihr aber? Gott hat es ja auch euch zu gutem
gut gemacht/ vnd mit wunderlichem widerstand/ als wie dem Pharaoni ge-
nugsame

nngsame vrsach geben ewer vnrecht zuerkennen / Ir aber wolt das gut mit gne
heissen / jr wolt Gottes vrtail nit erkennē / Gott sol es machen wie jr wöllet / vñ
nit jr wie Gott wil / in dem jr euch nit weniger als der König Pharao verstockt
erzeigt. Wir wünschen von Herzen daß der gütig barmherzig Gott wölle gut
machen alles was jr verderbt habt : Hierzu gehört aber das jr die vrsach ewers
verderbens / so wol des ewigens als des zeitlichens erkent vnd ablegt. Das aber
(wann jhrs wissen wolt) ist die einige warhafftige vrsach / daß ihr (O liebe
Schweitzer /c.) von dem alten Gott / alten Glauben / vñnd alten allgemeiner
Chrustenheit / Liebe / Freud / Fried / Einigkeit /c. abgefallen / vñnd habt euch sel-
ber vnflätige wüste Pfützen vnd Cisternen graben / deren keine Wasser beheben
noch behalten mag / Ein weil Luderisch / bald Zwinglisch / endlich gar Calui-
nisch vnd weiß nit was worden. Vñnd wann solcher Secten siben Säck voll
werden / vñnd selbst einander als Ketzer reissen / beissen / ropffen vñnd zopffen / so
müssen sie dannoch das ware Euangelium sein. Wann ihr dann nun so grobe
vnd greifliche / wider Gott / Natur / Vernunft / vñnd alle warheit strebende sa-
chen / neben dem / das sich Gott ewerem vnchustlichen frenel vnd vorhaben / so
wunderlich / so selzam / so mercklicher weiß widersetzt / vñ so offentlich zuschan-
den gemacht / vñ noch vber das alles euch das Register ewers Hirns dermassen
verückt / dz jr selber ewre selbst eigne schand / spott / schaden / vñ lang verborgne
Practicken / mit teutsch vnd lateinischen Büchern / durch offentlichen Truck vor
aller Welt außgreissen vñnd bekant machen müssen / vñnd das noch vber alles
wunder ist / nachdem jr selbst einader gebetten / daß dergleichen nichts geschrie-
ben würde / nichts desto weniger auff beiden theilen zu ausbreitung ewerer offe-
ermelten schand die Federn dermassen gespitzt / als hett man euch entweders
darzu bezaubert / oder das schreiben verbieten wöllen / perurgente scilicet vos iu-
dicio Coelesti. Mach. 2. Cap. 9. Wann ihr dann (sag ich) diß alles noch nit
sehen vñnd greiffen wolt / wie sol oder muß euch geholffen werden ? Wie muß
Gott gut machen was jr verderbt habt ? dergestalt würde wol vmb sonst sein /
Gott geb euch ewer Erkantnuß / Buß / vnd zu seiner heiligen einigen allge-
meinen Chrustlichen Kirchen / von der jr ausgetreten / widerkerung /
damit ihr mit vns / vnd wir mit euch in Einigkeit des
Glaubens vnd Liebe / hie fridlich vnd wol
leben / vnd endlich alle selig wer-
den / AMEN.

[Faint, mirrored text, likely bleed-through from the reverse side of the page. The text is largely illegible due to fading and bleed-through.]

